

**SIXTH LEGISLATIVE ASSEMBLY OF MIZORAM
(NINTH SESSION)**

LIST OF BUSINESS

**FOR SECOND SITTING ON WEDNESDAY, THE 14th DECEMBER, 2011
(Time 10:30 AM to 1:00 PM and 2:00 PM to 4:00 PM)**

QUESTIONS

1. *Questions* entered in separate list to be asked and oral answers given.

LAYING OF PAPERS

2. **Pu LAL THANHAWLA**, to lay on the Table of the House a copy each of the following :
 - i) “The Mizoram Water Supplies (Control) (Amendment) Rules 2011”.
 - ii) Annual Report 2010-2011 of Joint Electricity Regulatory Commission for Manipur and Mizoram.
3. **Pu LALSAWTA**, to lay on the table of the House a copy of “The Institute of Chartered Financial Analysts of India University (Mizoram) Rules 2007”.
4. **Pu R. LALZIRLIANA**, to lay on the table of the House a copy of “The Mizoram Registration of Contractors (Under Public Health Engineering Department) Rules, 2011”.

PRESENTATION OF REPORT

5. **Pu C. RAMHLUNA**, to present to the House the following Reports of Public Accounts Committee :
 - i) Fifteenth Report on Action taken by the Government on the recommendations contained in the Thirteenth Report on the Report of C&AG of India for the year 2006-2007 relating to Public Works Department.
 - ii) Sixteenth Report on action taken by the Government on the recommendations contained in the Twelfth Report on the Report of C&AG on India for the year 2006-2007 relating to Health & Family Welfare Department.

- iii) Seventeenth Report on Action taken by the Government on the recommendations contained in the Tenth Report on the Report of C & AG of India for the year 2004-2005 and 2005-2006 relating to Transport Department.
6. **Pu T.T.ZOTHANSANGA**, to present to the House the Third Report of Committee on Subordinate Legislation on “The Mizoram Water (Prevention and Control of Pollution) Rules, 2002 and The Mizoram Air (Prevention and Control of Pollution) Rules, 2002” relating to Environment & Forests Department.
7. **Pu K. LIANZUALA**, to present to the House the following Reports of Subject Committee-IV :
- i) First Report of Subject Committee-IV relating to Rajiv Gandhi Stadium at Mualpui.
 - ii) Second Report of Subject Committee-IV relating to the Minor Irrigation Department.
8. **Pu K. LALRINTHANGA**, to present to the House the Third Report of Subject Committee-V relating to National Rural Health Mission under the Health and Family Welfare Department. (Actions taken by the Government on the recommendations contained in Second Report of Subject Committee-V)

LEGISLATIVE BUSINESS

Bills for introduction, consideration and passing

9. **Pu R. LALZIRLIANA**, Minister to beg leave of the House to introduce “ The Mizoram Police Bill, 2011”.

ALSO
to introduce the Bill
to move that the Bill be taken into consideration
to move that the Bill be passed.

10. **Pu LALSAWTA**, Minister to beg leave of the House to introduce
“The Mizoram Board of School Education (Amendment) Bill 2011”.

ALSO
to introduce the Bill
to move that the Bill be taken into consideration
to move that the Bill be passed.

NGURTHANZUALA
Secretary

.....

SPEAKER : ‘Kei i hmaah ka kal ang a, a bumboh laite chu ka tirual ang.’
Isaia 45: 2

Zawhna 13-na kan lo la ang a, Pu C.Ramhluna, MLA zahawm takin lo zawt se.

Pu C.RAMHLUNA : Pu Speaker, School Education Department changtu Minister zahawmtak chhan atan, Starred Question no- 13 chu hei hi a ni.-

- a) Tunah tak hian Mizoramah School hrang hranga zirtirtute hlawh la thei lo an awm em?
- b) An awm a nih chuan School engzat nge tih leh zirtirtu hlawh la theilo hi engzatnge an nih?
- c) Engvangin nge hlawh an lak theih loh?
- d) Hlawh la thei lo ho hlawh tur sum mamawh hi engzatnge?
- e) Hlawh pe tur hian Sorkar-in eng angin nge tan a lak?
- f) Engtikah nge pek theih an nih beisei? tih a ni e.

SPEAKER : Note a ngah deuh a, note panga bak nei hi chu kan admit zen zen lo a, amaherawhchu tun tum zawng kan session te a reilo bawk a, zawhnate a lut tamlo bawk a kan ti a, note paruk thlengin kan han phal a ni a, tunah chhang turin a changtu Minister ilo sawm ang.

Pu LALSAWTA, MINISTER : Pu Speaker, member zahawmtak Pu C.Ramhluna zawhna chhanna te chu –

- a) Tunah tak hian Mizoramah School hrang hrang zirtirtute hlawh la theilo an awm em? Tih zawhna chu, a chhanna – Awm e, tih a ni a.
- b) An awm a nih chuan School engzat nge tih leh zirtirtu hlawh la theilo hi engzatnge an nih? Tih chhanna chu – Tuna hlawh la theilo te hi Non- Government school leh Government school thenkhat zirtirtu plan hnuai hlawh late an ni a, School 541 an niin, zirtirtu hlawh la theilo te chu 4835 an ni.
- c) Engvangin nge hlawh an lak theih loh? Tih chhanna chu – An hlawh tur daih khawp Plan allocation pek a nih loh vang a ni, tih a ni.
- d) Hlawh la thei lo ho hlawh tur sum mamawh hi engzatnge? Tih chu a chhanna hetiang a ni – Hlawh la theilo hoin kumin chhung chu Financial Year, kumin chhung tihna ani. Hlawh atana sum mamawh zat chu cheng nuai 6311, vaibelchhe 63 leh point 11 a ni.
- e) Hlawh pe tur hian Sorkar-in eng angin nge tan a lak? Tih chhanna chu – Hlawh pe thei tur hian nasa takin sawrkarin hma ala mek a, School Education Department nilo, Department dang hlawh la thei ve lo tho te nen kumin Christmas hma ngeia hlawh an lak ve theih nan, Finance leh Planning Department te pawhin theitawp an chhuah mek a ni, tih a ni a.
- f) Engtikah nge pek theih an nih beisei? tih chu a chhanna hetiang hi a ni. Tun December thla chhunga pek theih turin hmalak mek a ni, tih a ni.

SPEAKER : Zawhbelhna Pu C. Ramhluna, a hnuah Pu John Siamkunga, a hnuah Pu K. Liantlinga chumi thleng chu ni mai se. Hun a awm chuan Pu Chate-a kan tih bawk, Pu Lalthansanga.

Pu C. RAMHLUNA, MLA : Pu Speaker ka zawhbelh duh chu tlema han sawi belh deuh hlek ka duh a. Approve plan nimina lehkhabu minrawn pekahn actual expenditure 2010- 2011 ah khan nuai 12912.85 a ni a, mahse kan demand for grants tuna July thla-a kan pass takah khan Cheng nuai 13332.4 a ni a, thla nga/thla ruk lek chhung khan actual expenditure leh demand for grant min passpui tak kha nuai 419.59 in a inthlau tlat mai a ni. Hei hi Pu Speaker, kan Minister zahawmtak hian min chhang thei se thain ka hria a, hei hi engvang nge a lo danglam tak thut mai tih kha. Actual expenditure-te chu July thla khan hre tawh awm tak kha an ni a, mahse kha figure kha tun thla nga chhung lek khan a lo danglam leh ta mai si kha, helai hi a department lampang hian in figure calculation hi a dik lo deuh nge min han hrilh thei se ka duh khawp mai a. Tin, approve annual plan 2010-2011 pawh hi nuai 14941 a ni a, (tuna lehkhabu nizana minrawn pekahn) nimahse demand for grant-ah khan 15561 kha min pass pui tak kha a ni si a, engvangin nge thla nga chhung lekahn hian approve annual plan hi a lo danglam tak thut mai? tih kha. A danglamna pawh kha nuai 620 lai kha a ni si a, helai hi a department lampang hian an calculation hi an tidik lo deuh emaw ni aw! tih ka rilruah a awm deuh hlek a, chu chu min chhang sela thain ka hria .

Tin, Salary component hrim hrimah khan School Education Department-ah khan demand for grant kan pass takah khan nuai 7787.85 a ni a, chu chu demand for grant July thla-a kan session-a kan pass tak kha a ni a, mahse, tuna a lehkhabu minrawn pek leh takah hian approve annual plan-ah hian nuai 10097.05 a ni ta a, churang chuan School Education Department hian an budget an buatsaih lai hian an hlawh tur hi an lo chhut dik lo deuh em ni? Chumi avanga hetiangaharsatna tawktan em ni kan nih? tih lai tak kha Pu Speaker ka han zawh duh lai a ni a.

Tin, pakhat lehah Pu Speaker, ka zawh leh duh chu ka bial lam concern deuh hlek a ni a, Pu J. Lalchhanhima s/o J.H. Rualchhana Aizawl Chhinga veng hi SSA hnuai ah khan Nghalim lui ah amah hi M.E School zirtirtu a ni a, chu chu rawn dah a ni a, M.E School hi tuna a lan dan hi chuan District Council subject a ni a, churang chuan anmahni subject ni si ah khan helai atanga zirtirtu Nghalim lui ah va in thawn thlak rikngawt mai kha a dik lo deuh em aw tih ka rilruah a awm deuh a. Tin, zirlai naupangte pawhin an ngaipawimawh viau mai a, hei hi khawngaih takin kan Minister zahawmtak hianin min withdraw sak thei em? Tin, anmahni District Council pawhin recommendation kha an nei ve a, qualified ve ngei kha an rawn recommend a, anmahni khua ami ngei kha a ni bawksi a, khami angte kha District Council khan lo la ve mai ta se la, zirtirtu tho tho tur kha a ni si a, anmahni khua ami lehngal a ni bawksi a. Helam atanga va dah te kha chuan tui tak khan a zirtir thei lovang tih te kha a hlauhawm a, churang chuan kha kha kan Minister zahawmtak hian min withdraw sak theiin, khulai mi ngei khu min dah sak thei em tih kha ka zawt tel duh bawk a ni e.

Pu JOHN SIAMKUNGA : Pu Speaker, ka lawm e. Education Minister zahawm tak ka zawh duh chu –

(1) Kum 2008 a School 337 Upgraded status a dah te khan financial concurrent kha sorkar atangin an nei em ? Kum tina sum sen belh zat kha vaibelchhe engzat nge ?

(2) Primary zirtirtu indaih lohna hmun tam takah a awm a, school naupang tam na si, zirtirtu tlem na si te a awm a. Heng Primary zirtirtute hi engtikah nge heng school indaih lohna hmunah hian pek belh theih an nih dawn ?

(3) Middle School ah hian Class VIII dah thlak ani tawh a, Class VIII zirtirtu hi hmun tam takah pek an nih tawh laiin Class VIII room tur sak anih tawh hnuah pawh Class VIII teacher pek lohna hmun tam takah ala awm a, hengte hi engtikah nge pek an nih theih dawn ? tih ka zawt e.

Pu K.LIANTLINGA : Pu Speaker, ka lawm e. Ka zawh duh chu zirtirtu hlawnh lampang kha an zawt a, zirtirtu lo lampang naupang chanvo lampang ka zawh duh chu -

(1) School Education hnuaiiah hian Pre Matric Scholarship te a awm a. Tin, Minority Scholarship te, Special Scholarship tih te, heng hi tunah hian Education Deptt., hian ala pe dawn nge, Scholarship Board a awm tawh a, khatah khan fund a transfer anga a pe dawn ? Engtikah nge a pek dawn ? Fund engzat nge dah anih ?

(2) Scholarship Board hi Centralised alo ni a. Hetah hian Deptt., hrang hrang ten budget-ah an dah vek a, tunah hian kan zirlaite hian kha kha an transfer loh avangin Technical student thenkhat ten harsatna an tawk niin ka hria a, zirlaite pawn ka hnenah an sawi ve a. Ayush zirlaite hi 80 chuang zet anni a, vawiin thleng hian Book Grant leh Stipend te, Scholarship te an hmu thei lova. Hengah hian Department hrang hrangte pawn an budget a an dah si, transfer tura tih transfer lohte hi engtikah nge an transfer ang ? Engzat nge an transfer tawh a, engzatin nge la transfer lo? tih hi department hrang hrangte hi ka zawt duh a. Tin, hei hian a tuma chu zirlaite tha taka scholarship te, stipend te, book grant te an hmuh theihna tur ruahmanna a ni a. Engangin nge kan Education Minister hian hma a lak zel dan tih kha ka zawt duh a ni e.

S P E A K E R : Tunah zawhbelhna Pu Lalthansanga i lo sawm ang.

Pu LALTHANSANGA : Pu Speaker, ka lawm e. Kan Education Minister zahawm tak ka zawh duh chu Primary Teacher 164 te Headmaster a promote tak te kha eng vangin nge kha kha delay a nih? Tin, he mi hi Sorkarin tihtlang tumna a nei em? Tin, chubakah hetianga an promote tak hi senior tak tak an ni a, tun thla-ah te pawh pension tur tam tak an awm a. Ahma a sorkar in order a chhuah ang khan kal tlang pui hi a theih em? tih ka zawt e.

S P E A K E R : Kimchang deuha chhang turin a changtu Minister Pu Lalsawta i lo ko ang.

Pu LALSAWTA, MINISTER : Pu Speaker, a zawhna neitu member zahawm tak Pu C. Ramhluna zawhna figure lo danglam ta leh nimin a an sem approved plan lo danglam ta viau chungchang kha kan hriat theuh angin Budget Estimate chungchang hi chu kan siam, a Plan-ah pawh, Non Plan-ah pawh, Sorkar a han kal hian a tak tak a kan pawisa mamawh mil hian Revised Estimate a awm leh thin a. Chung Revised Estimate awm leh thin figure leh Budget Estimate figure hi chu a inang ngai lo hrim hrim a. A tlangpui thu in, Revised Estimate-ah hi chuan a tam deuh zel a ni. Chu chu a kalphung tlangpui niin ka hria a.

Tin, Demand for Grant-ah khan kha ti zat kha kan pass a ni si a, engatinge Approved Plan-ah khan a lo danglam leh tak tih pawh kha khatiang tho kha a nih ka ring a. Kan Budget a kan pass tam tak hi pawisa awm sa, chhunkhawm sa a ni hran lo tih hi hre tu vek kan ni a. Khawi atang emaw a kan hmuh a, a tak lo awm thei tur a kan beisei te, kan sum hmuh tur te nen hian Budget Estimate a awm a. Chutah chuan kan han revise a, kum a lo kal chhoh zel, tun ang hun December thla ah te hi chuan a figure hi a lo danglam viau tawh a. Chuvang chuan, a figure a inang thei lo. Budget Estimate leh Revised Estimate inang thei lo hi chu tun Sorkar chauh ni lovin, eng hun lai Sorkarah pawh hian a danglam reng kumkhua niin ka hria a. Chu chu ka chhanna a ni mai a. A mal te bika han chhan fuh loh ka lo nei a nih chuan min lo hrethiam selangin.

Tin, a zawhna dang leh pakhat J.H.Lalchhanhima Nghalim lui a SSA hnuaia dah, sawlaia kan unau ten an lo ngaimawh hi pawl ka ti khawp mai a. Mizo, kan zavai pawh a Nuai 11 pawh la tling lo kara he ti tak mai a Mizo leh Mizo kara inthliar hranna lo awm tura hi chu kei ka ngaingam lo khawp mai a. Lai an ni emaw, Mara an ni emaw, Chakma an ni emaw, Hmar an ni emaw, Paite an ni emaw hetiang tak hian inthliar lo ila ka duh a. Kan member zahawm tak pawh khan a duh ve tho ka ring a. Amaherawh chu, kan politics a a remchan vang zawk pawh a ni mai thei a, ka hre lova. Hei hi chu Mizo zingah chuan tih loh ni se. Tin, hetiang chungchangah hian a hmun ami lak mai tur awm tih hi a theih chin a awm a, a theih loh chin a awm a. A dil lo hi a hmun ami pek ngawt theih a ni lova. Khati khawp khan Department pawh hi kan va bengvar seng bik lo thin a. Chuvang te pawh chu a ni ang a. Tin, SSA hi kan hriat theuh angin Pu Speaker, Society a ni a. Society tam tak Mizoramah a awm a, SSA anih bik avang hian kan ta tu tlang a, thahnemngai ten, kan hmalakna a len vang te pawh aniang a, mahseng, society tam tak hmalaknaah hian inrawlh kan tum lemloh viau lai hian SSA te, RMSA ah te hian kan inrawlh thuk hle a, a tha tho va. Mahseng, chi leh chi inthliar theihna leh “Lai fa ten kan thawk ve thei tho” ti ang zawnga vawiin a ri lo awm ta te leh kan appointment order an han hal ta te hi chu Mizoram a thilthleng zen zen lo, thlenglo zel baw se kan duh theuh anih ka ring a. Hemi House zahawm takah hian, kan tlem tehlu nen han inti hranga, han inbawh hranga, han awm hrang vel tur hi chuan kan phal ka ring lova, kha kha ka chhanna a ni a.

Pu RAMHLUNA : Pu Speaker, khawngaih takin khami appointment order hal chungchang thu kha, kan sawi duh chu a bialtu ka nih avangin ka tih tirah te pawh an ngai ang tih ka hlau hle a, ka tih tir lova, ka hriatpui vak lova..

(Pu LALSAWTA, MINISTER : Pu Speaker, vawi khatmah a tih tir ti zawngin tawngkam ka hmanh miahlova, an ti kha pawl ka tih thu ka sawi a)

S P E A K E R : Ngawi rawh aw...chu chu i duh tawk ang communal thil a ni a. Aizawlah sawti lam mi in in nei ve suh se tiin Aizawl tlangval hoin ti se a thalo. Chutiangchu anih avangin kha chu i sawi thui lovang, ka awih lo.

Pu C.RAMHLUNA : Pu Speaker, ka sawiduh lawk chu a subject matter-ah khan a nia, M.E. School teacher ania, M.E. School chu District Council subject a ni ve a ni. Chuvangchuan, anmahni pawh khan recommendation an nei ve a, anmahni subject anih avang khan High School-ah chuan kan sawi vak lo mai thei, an subject piahlam pang anih avangin. M.E. School chu anmahni subject a ni. Anmahni subject chhungah khan anmahni rawn lova mi va dah kha, anmahni hmunah khan an mamawh a, anmahni ngei lehkhathiam an nei ve a, dah ve tur an nei ve tho a ni a?

(Pu LALSAWTA : Pu Speaker, hetiangah hi chuan School te kan rawn ngailo. Tin, kan rawn pawh ka ringlo, rawn chi pawh anih ka ringlo, an mamawh nia kan hriat leh.....?)

S P E A K E R : Pu Rama kha lo thu tawh phawt mai rawh. In zawhna dangte kha member zahawm takin min chhang se tih zawhna dang a nei a, chungte pawh chu han chhang ve sela.

Pu LALSAWTA, MINISTER : Pu Speaker, kan Member zahawm tak Pu John Siamkunga zawhna chungchangah khan - kum 2008 April- September thla a, school 337 upgrade anih a, pawisa tam tak senbelh ngaita kha khami kum khan kha sorkar kha chuan rit kha a phur lo khawp mai a. Tuna 2008 December ni 11 atanga rawn sorkar ta hian kan phur ta a. Khami ngaihtuahna a school 337 dinhmun sanga hlankai na tur a Cabinet rawn chho ah khan school 48 deficit emaw, Adhoc a awm sa Government a provincialised tihloh kha chu adang zawng kha chu Cabinet khan a pawm na in Finance concurrence a awm lova, Planning atanga approval pawh a awm lova, 'in anticipation of approval of Finance Department and concurrence' ti ang chauhin a kal a, hei hi vawiin thlengin kan la phur a. Hemi avanga kumtina School Education a kan phurrit lo inbelh ta hi kum 1 ah hian cheng nuai 2126 leh sing 4, sang 3 a ni a, a rip khawp mai a. Chu chu pay thar a lo nih phei hi chuan a rip nasa lehzuah a, Pu Speaker. Hengte hi harsatna nei miahlo in an tih a ni lova. Khanglai khan kumtin Education Department hian hlawh chungchangah harsatna an nei ziah a, nei reng chung a, hre chung bawk si a sikul 337 zet an han upgrade khan, kha kum a inthlan tur an lo thlir lawkna leh "Hei hian inthlannaah min pui ang" tih beiseina a ni mai palh mai awm mang e, tih te chu kan ngaihtuah a. Chu chuan sorkar mawhphurhna la lo niin kan hria a, responsible government kan tih ang zawng hi chu niin kan hre lova. Chuvangchuan, tuna kan Chief Minister zahawmtak hova kan kalnaah hian duhsakte chu kan ngah ve em em na chungin vawiin thleng hian kan pawisa dinhmun ngaihtuahin sikul upgrade hi kan la ti leh ta rih lo a ni, kum thum chhung hian. Chu chu kan sawi duh a ni. Finance concurrence leh Planning atangin approval a awm lo tih kha zawhna kan chhanna chu a ni a.

Tin, Primary School-ah teacher indaih lohna hi a na hle mai a an ti a, hei hi department atang chuan kan theih ang angin a awng lai kan thawm char char

a, amaherawhchu, chuti chung pawh chuan kan la thawm zo lo deuh va, chutah chuan tunah hian Voluntary Retirement Scheme kan tih, VRS kan tihah hian School engemaw zat harsa zual chu an rawn thawm leh thei dawnin kan hria a, hei hi tun atanga rei vak lovah appointment order pawh kan pek theih kan ring a. Zirtirtu 193 kan lak belh dawn a ni, chu chuanin thui tak a thawm theih kan ring a.

Tin, a zawhna dang leh Middle School-ah BA te ni a Teacher te hi kan mamawh belh khawp mai a an ti a, hei hi hmanni pawh khan consultative committee-ah te pawh khan kan en a, Middle School-ah hi chuan kan mamawh belhna hi a tam vak lova, chuvang chuan, reiloteah a harsa zualpui hi chu kan chinfel theih kan beisei a, Pu Speaker.

Tin, kan member zahawmtak Pu K. Liantlinga rawn zawhna centralized scholarship chungchang kha hetiang hi a ni e. Scholarship ngawr ngawrah hian Pu Speaker, harsatna kan nei lova. A rawn transfer turte pawhin an rawn transfer fel diah diah tawh a, scholarship-ah hi chuan Krismas hma te hi chuan engemaw zat hi chu kan pek vek theih kan ring a, thenkhatte phei chuan an hmu tawh a, an lawmthu te pawh keima mimal hnenah te pawh phai lam atang ten min rawn hrilh a a lawmawm khawp a. Amaherawhchu, Technical line bik ami, Medical te, Engineer te kha book grant leh stipend (scholarship nilovin) khangah khan centralized scholarship-ah an la rawn chhun loh loh avang leh anmahni department theuhah khan an va beiseiin “centralized scholarship a awm tawh a chung lamah chuan lova ngaihven mai rawh u” tiin keini lamah a pawisa te kan lo neih bawk si loh avang leh rawn chhun loh loh anih loh avanga a pawisa te kan la neih loh avangin tunah hian khaih lak deuh hlekin an awm a, mahseng, hei pawh hi a department ang chuan mumal takin hma kan la a, hetiang hi an rawn zawh leh chuan kum danga kan tih thin ang khan anmahni department theuhvah lo ngaihven rawh se tiin hriattirna kan pe chho tawh a ni.

Tin, kan member zahawm tak Pu Lalthansanga zawhna hmanni lawka Primary School Headmaster 164 kaisan tirte kha engti zia nge in tih kir leh tak mai, in chawlh tir leh tak mai tih kha, hei hi kan han enchiang a, tihsual palh alo awm a, chu tihsual palh a chu senior zawkte kal kanin junior zawk te promotion pek an lo awm nual mai a. Khang kha tunlai chhanah chuan High Court te a hnai tawh a, miin heng supercession case-ah hi chuan Court an kal zung zung thin si a. Dik takin han tifel ulangin, in tihfel hunah he promotion hi kan chhuah leh dawn nia ka ti a. Chuvang chuan kan han nghak leh hret a, a rei tawhin ka ring lova. School tan leh hunah hi chuan headmaster anga an zawm theih ngei na turin hma kan la mek a ni.

Pu LALTHANSANGA : Pu Speaker, khalaiah khan a senior pension, kumina chhuak turte kha engtia consider tur nge ni ang tih kha.

Pu LALSAWTA, MINISTER : Senior pension tur kha Headmaster an nih sa chuan engmah problem a awm lova. Headmaster-a kaisang, Headmaster ni ve a pension tur kha engemawzat chu an awm ve a. Khang kha ti hman turin kan han ti a, mahse tunah hian hei vawiin hi ni 14 December ani tawh a. Tin, krismas leh

kumthar kara hna kan thawh dan te a sawt vak thin loh avangin Pu Speaker, a nihna rawih rawih a sawi chuan kumin chhung hi chuan kan tihfel hman ka ring lo.

Pu LALDUHOMA : Sorkar hmasain school engemawzat a upgrade tih chungchangah khan Finance concurrence a awm tih leh a awm lo tih hi inhnialna tawp thei lo ani a, tun atang hian a tawp tawh ang tih pawh a sawi theihin ka hre lova, chuvangin a awm leh awm loh tichiang theitu document min pe thei ang em? kan Minister zahawm tak hian. Dinglam leh veilam amite hian thu an inchuh an inchuh a, a laia awm thudik hre duh tute hi kan lu a hai anih hi.

Pu LALSAWTA, MINISTER : Pu Speaker, thudik hre duh mai pawh nilovin thudik hria kan awm a. School 337 zinga 48 deficit te leh deficit lo adhoc te provincialised ho kha financial concurrence chu a awm a ni. A bak zawng kha financial concurrence a awm lova Planning Department approval pawh a awm lo a ni. Chu chu document kan pe thei ang che u anga. Mahse session hi vawiin chauh anih tawh avangin session hun lovah a document kan rawn pe ang che u.

S P E A K E R : A lawmawm e, tunah zawhna dangah kan kal anga, zawhna no. 14-na zawt turin Pu T.T. Zothansanga i lo ko ang.

Pu T.T.ZOTHANSANGA : Pu Speaker ka lawm e. Starred Question No. 14 na - Hon'ble Chief Minister, G.A.D. changtu ka zawhna chu hei hi a ni. Bairabi Rel kawng siam nan pawisa engzatnge ruahman a nih?

Pu LAL THANHAWLA, CHIEF MINISTER : Pu Speaker, Bairabi to Sairang rel kawng siam nan pawisa engzat nge ruahman a nih tih chhanna chu Bairabi to Sairang rel kawng siam nan ₹ 2384.34 vaibelchhia ruahman a ni.

SPEAKER : Khawngaih takin zawhbelhna zawt lo ula. A chhan chu, Railway hi kan state subject a ni lova, Member zahawmtakin zawhna in rawn zawt miao si a, mipuiten an hriat ve duh kan ring a, chuvangin GAD-ah kan pe phei ta ringawt a. GAD-in an rawn chhang thei hlah mai a, a lawmawm khawp a. Khatah khan i duhtawk ang u.Chutia GAD changtuin chhan theih a inrin chuan Central subject a nih daih avang khan Speaker Office atang chuan kan inthlahrung a. Mahse, GAD-in a chhang thei a nih chuan a lawmawm a. A changtu Minister-in chhan a inhuam a nih chuan zawhbelhna a zawhna neitu Pu T.T. Zothansanga hnuah khan tunge phar kha? Pu Lalthansanga, chumi pahnih chu la ang aw.

Pu T.T. ZOTHANSANGA : Pu Speaker, ka lawm e. Ka zawhbelhna chu hengte hi a ni: 1) Pawisa hi Railway Board-in a pawm tawh em? 2) Kilometre engzata thui

nge? 3) Station khawi hmunah te nge dah a nih ang? 4) Rel kawng hi engtikah nge peih hman a nih ang?

Pu LALTHANSANGA : Pu Speaker, ka lawm e. Ni e, hei hi State subject a ni love han tih laiah hian Task Force Committee te pawh din a ni a, Task Force Committee-ah pawh member ka ni a. Mahse, kan party ngaihndan hi mumal takin kan thehltut tawh a. Hemi Central policy hi Mizoram hian a in toto-a lo pawm ringawt hi kan hnam tan hian a him ang em tih lai hi vawiinah hian ka'n sawi duh deuh hlek a. A chhan chu enge ni hei hi a hlawkna tur? Kan economics-ah hian eng nge a hlawkna tur, hma kan sawnna tur? Chu a hnek chuan keimahni hi kalkawngah min hmang ang a, kan hnam hi kan ral phah ang em? Bairabi-ah khuan harsatna lian tak an tawk a, hei hi kan sorkar hian engtin nge hma a lak tih pawh hi ka'n zawt tel duh a. Rel khu tunah khuan a riak ta a, Bairabi rel station-a riak te hian kan thing leh mau leh kan buhfai te hi an ru nasa em em mai a ni. Rel driver vai, Station Master vai, a thawk zawng zawng, mutia zawng zawng vai an ni si a, engmah tih theih loh a ni, zingkarah an chhuk leh bawk si a. Chumi danna tur atan pawh chuan kan sorkar hian eng chen nge hma a lak? Chutihlaia keimahni interior lutuk mai Sairang a thlen pheih chuan a raphlak ngawt ang. Nitin zathum/zali an lo kal si a. Relah khuan an riak a, tikhan an duhtawkin an che a ni tawh mai si a. Chuvang chuan, hemi hi Central subject a nihna angin keini state chuan kan phal lo tih hi kan ti thei mai lawm ni tih kha ka'n ngenin ka'n zawhbelh bawk a ni e.

SPEAKER : Aw le, a changtu Minister i lo ko ang aw.....zawh belh tawh lo mai rawh.....a nih pakhat chiah aw.

Pu NIRUPAM CHAKMA : Zawhbelhna....pakhat chiah min phal rawh Pu Speaker. Hetah Bairabi to Sairang rel kawng siam loh chuan chhim lamah min siamsak thei lawm ni?

Pu LAL THANHAWLA, CHIEF MINISTER : Pu Speaker, Sairang thlenga rel kawng lo kal tur hi Pu Deva Gowda, Prime Minister a nih lai khan chutihlaia Railway Minister, Ram Vilas Pashwan nen an lo kal a. Chulaiah chuan helaiah rel ticket out agency siam turin kan ngen a, an siam nghal a. Tin, Sairang thlengin railway hi rawn pawt chho turin kan ngen a, an remti nghal a. Ram Vilas Pashwan-a khan kuminah Token Budget kan dah ang, token amount kan dah ang a ti nghal a. Chutatanga lo kal chho zel chu a ni. Tin, chimral hi Pathian in khawvel zawng zawng kal a, Chanchintha hril tura a koh hnam kan ni a. Vawiin hian mihringte hnenah Chanchintha kan hril nasa hle a, Chanchintha hi kan nun puia, kan hril reng chhung hi chuan Pathian hian tute mah min chimral tir ka ring lova. Mizote hmang hian purpose a neih avangin. Tin, khawvelah kan thang ve dawn anih chuan kawng tinrenga kan than a ngai a, tunah hian mode of transport a a tlawm ber chu tui a ni a, chumi dawtah chuan railway a ni. Road transport hi Air tih loh ah chuan a to ber a, railway kan neih hi tha in kan ring a, chuvangin kan zu dil angin min lo pe a ni. Tichuan, a thui zawng hi 51.30 km a ni a. Anmahni document hi a incomplete deuh a, pakhatatah chuan 51.12 km an ti a, document hmasa berah chuan 51.30 km tih a ni.

Tin, hemi atana ram ngai zat a sum sen zat tur chu cheng vaibelchhe 158.11 a tling a, March, 2011 thlenga sum sen tawh zat chu kan hriat vek a that avangin zawhna rawn nei kher lo mahse vaibelchhe 2.89 a ni. Kum 2011-2012 atana sum sen tura ruahman chu vaibelchhe 50 a ni. Bairabi-Sairang rel kawng project chhungah hian station 4, zawhna chhanna kha Bairabi tel lovin Hortoki, Kawnpui, Mualkhang leh Sairang te ruahman an ni a.

Tin, land acquisition leh Forest clearance atan chak taka hma lak mek a ni. Chu chu vawiina a dinhmun tlangpui a ni a. Sum ruahman hi hmanni lawk khan an approve tawh a, vaibelchhe sang tela hi. Tin, a tirah chuan March, 2014-ah Sairang rawn thlen kan tum ang an ti a. Tunah chuan kum khat in an pawt sei leh tawh a, 2015 an ti leh tawh a, tun kum tir thleng kha chuan kan Lok Sabha member zahawm tak Pu C.L.Ruala pawhin a nawr ngat ngat na ah 2014 an tiam kha an rawn tawlh leh hret tawh a ni. Chu chu tuna a dinhmun a ni a. Tin, chhim lamah min rawn thlen tir thei ang em tih kha hei multi-nodal transport project hi Kalebua thleng turin tunah hian kawng laih mek a ni a 100 km a ni.

Tin, hmanni a kan va kal khan Lawngtlaiah engineer te chuan 10 km kan zo tawh a, an ti a, hei hi zawh a nih hunah chuan India hmarchhak state te hian gateway for trade and commerce a an hman kan beisei a, chuti anih chuan mode of transport-a a tlawm ber railway hi lak phei a tha awm mang e, kan ti a. Chuan kan sorkar te kan sawipui a, a principle chuan Lawngtlai thlenga laih an remti a. Amaherawhchu, chu chu hun rei a la duh mai thei. Tin, a harsa ber zawk chu Pu Speaker, compensation hnam kan nih avang hian compensation hian tunah hian harsatna a siam tan leh mek tawh a. Hmanniah Kolasibah ka zuk kal in D.C in compensation chung changah harsa a tih zia min lo hrilh a, thenkhat rinhlelh awm tak tak te kha a awm leh nuaih tawh a. Vairengte sipai school atan a ram an duh belh te, han lak kan tum a, kum 1960 – 1970 vela V.C pass te pawh computer a chhut a ni a, Kolasib District an ni daih tawh, khang kha a awm leh nual tawh a ni. A rawn enkawltu te hi ringlo mi anni si a, a claim tu te hi ringtute kan ni vek si a, a buaithlak ang reng viau a. Hei mega watt 460 pe chhuak thei tur saw lam ah Kawlchaw-a tih mek pawh hi compensation-ah kan buai leh tan tawh a; amaherawhchu, chu chu chinfel kan in beisei a. Chu chu a harsatna zawk a chu compensation chungchang bawk hi a ni.

Pu LALTHANSANGA : Pu Speaker, lawk in, kha ni e, Prime Minister Pu Deva Gowda leh Ram Vilas Pasuan hunlai khan ZRUCC member-ah hian min rawn dah ve a, Zonal Railway User Consultative Committee member kha kan ni a. Kan nih na angin railway out agency leh railway police recruitment hi Mizoramah hian tih ve ni rawh se kan ti a, chumi chu an rawn conduct a, engemaw zah kha lak ani ta a. Hemi hnuah hian tih leh hi a awm kan hriat tak miah lo avang hian tuna khutilai Bairabi-ah pawh harsatna an tawh len em em mai a ni a. Mizo, keimahni mi leh sa pawh an awm loh avang ani a. Chuvang chuan keini P.C party chuan Bairabi bak hi alo berah chumi piah lam a nih chuan “Vairengte bak hi” tih hi kan din na ala ni reng a. Chuvang chuan Brig. T. Sailo-a party hi kan ni keini chu. Aw, hei ka boss a awm a, chuvang chuan chu chu kan ngaih dan ani a. Chuvang chuan kan party in kan ngaih dan hrim hrim pawh hi Pu Speaker, hei hi House document atan hian min lo kawl sak ve se ka ti a, ka'n present ve reng reng teh ang, hei hi min lo chhiar sak ve teh se.

Kan Boss ani ringawt mai ani hi chu...Kan Chief ani, kan over-all ani a. Tunah chuan fapa hunah kan awm tawh a, churang chuan Zoram damna tur anih chuan fapa huna kan sorkar hi a ngai tawh a, min tichak tur hian min pui ula ka duh khawp mai. Ka lawm e.

Pu LAL THANHAWLA, CHIEF MINISTER : Sualna hi chu a khawiah pawh a awm tho a, khulai a railway a thawktu te kha an sual a nih chuan police kan nei a, report sela, tichuan kan police tha tak tak te hian action an lak ka ring a. Vai an awm loh pawhin a Bairabi khawchhung ho pawh khan vai pasal nei kha chu hnawhchhuah an tum tho tho a, khatiang chi kha chu a awm ve reng tho a ni.

SPEAKER : Le, duh tawk ila khami kha chu. Pu Lalthansanga'n min tihlim hle a, kan lawm hle a ni. Tichuan, zawhna No. 15-na zawt turin Pu Hmingdailova Khiangte ilo ko ang.

Pu HMINGDAILOVA KHIANGTE : Pu Speaker, ka lawm e. Hon'ble Minister for Health & Family Welfare Department chhan atan. Thingdawl khawdaia Nursing Hostel awmna tur hmunah hian Building engzat nge sak tura ruahman a nih? Building sak hna hi eng tik ah nge tan a nih ang? A dawt leh ah chuan he Nursing Hostel hi engtikah nge commission tum a nih? tih a ni e.

SPEAKER : A chhang tur in Pu Lalrinliana Sailo, Health Minister i lo sawm ang

Pu LALRINLIANA SAILO, MINISTER : Pu Speaker, member zahawmtak Pu Hmingdailova Khiangte zawhna chhanna chu hei hi a ni. Thingdawl khaw daia Nursing Hostel awm tur hmunah hian Building engzatnge sak tura ruahman a nih tih chhanna chu Thingdawl khuaa Nursing School atan hian Building pahnih sak tura ruahman a ni. (a) Building sak hna hi engtikah nge tan a nih ang tih chhanna chu ruahmanna siam mek a ni. (b) He Nursing Hostel hi engtikah nge commission tum a nih tih chhanna chu tender tura process mek a ni.

SPEAKER : A zawttu khan Nursing Hostel a zawt che a, nangin Nursing School in i chhang hi engnge a awmzia?

Pu LALRINLIANA SAILO, MINISTER : A hnuai ami hi ka chhan pawlh deuha, i hriat pawlh deuh a, hei hi rawn zawt leh ta se sawifiah tura ka'n dah deuh a ni.

SPEAKER : Zawh belhna, Pu Hmingdailova Khiangte kan la hmasa ang a, a dawtah khan Pu K.Liantlinga, i duh tawh ang aw.

Pu HMINGDAILOVA KHIANGTE : Pu Speaker ka lawm e. Kan zawh belhna chu engtik kumah nge he Nursing Hostel hi Mizoram sorkar in in pek tih leh sum engzatnge kan dawn tawh tih a ni e.

Pu K.LIANTLINGA : Pu Speaker ka lawm e. Ka zawhna chu up-gradation of Aizawl Civil Hospital tih kha sum kha a lo kal viau tawhin hriat a ni a, vaibelchhe 54 lai tih kha a ni a, engzatnge lo kal tawh tih leh eng ang in nge khatah khan hma an lak tih ka zawt duh a. Tin, saw mi ICU saw engtikahnge peih a nih ang? tih leh Dialysis khawl hi tih belh tumna a awm em tih ka ka zawt duh a ni e.

SPEAKER : A chhang turin a changtu Minister kan ko ang a, amaherawhchu, Thingdawl lama Nursing Hostel tih vel kha kan zawhna a ni a, NRHM hnuai Aizawl Civil Hospital up-gradation lam te leh ICU tih te leh Dialysis te kha a kai ta daih mai a, a chhan theih leh han chhang se la, a chhang thei lo a nih pawn kan dem lo vang.

Pu LALRINLIANA SAILO, MINISTER : Pu Speaker, a lawmawm khawp mai, zawhna kha a tir atangin tlema in kal thelh deuh kha a awm reng reng a, Nursing School tih leh Hostel tih kha. Hostel kha school-a bet a ni a, chuvangin a zawttu hian a chiang viau nain helaiah hian a chhan dan kha a danglam ve hret hret a, he pawisa hi 2011.... Hei a vanneihthlak khawpin ka hria a, kar hmasa khan Nagaland-ah Nursing College tiang chi hi a wawi khatna atan kan Governor in a hawng an ti a, keini chu kumin hian paruk in duh chuan an ti a, minrawn pe a, mahse Planning te leh Finance Department te nen ngun taka kan han ngaihtuah hian a recurring expenditure tur hi 2012 hemi Twelfth Plan hi chuan kan tum ve tur a nih avangin a har deuh ang kan ti a, tichuan pali min pe a. Nursing school pakhat atan hian Crore 10 a ni a; tin, ANM Crore 6 an ti a, tiang chuan Crore sawmpakua leh nuai sawmhnih kha minrawn pe phawt a. Chuta tan chuan Saiha-ah te, Kolasib-ah te, a District-in Champhai-ah leh Serchhip-ah te kan han tia. Tin, Second NM kan han tih Health Worker Training School hi Lawngtlai kan ti bawka. Tiang chuan a hmunte kan zir a, hmun hi a lo tlem ang reng khawp mai a. Chuvangin tih chak pawh a harsa a, kan han report a, a future plan ah a zim ang a kan han ti a, chuti reng reng chuan hun kan hmang a, vaibelchhe sawmpakua leh nuai hnih chu tun a anrawn dah chu a ni a. Chutiang chuan hma kan han la char char a, a then chu process mek a ni a kanrawn tih thuai ka ring.

Tin, member zahawm tak Pu Liantlinga zawhna kha tlemin a in kar kik na a member-in hriat an duh chuan a pawimawh in ka hria a. Civil Hospital upgradation nan hian 2007 leh 2008 khan PIP kan ti a Project Implementing Programme-ah hian cheng vaibelchhe sawmnga pali leh nuai sawmhnih pathum kha pawm ani a, chuta tang chuan vaibelchhe sawm kha anrawn release ta a. Amaherawhchu an kal an kal a, sawi hreawm tak mai member ten an zawh miau chuan sawi loh theih ani si lova, Utilization Certificate kha vaibelchhe nga leh nuai sawmsarih pali kha Central-in an lo pawm thei ta lova, vaibelchhe li leh nuai sawmhnih paruk kha engemaw ti in hnathawktu ten an han pawm tir ti ila tawngkam

mawilo ani lo ang e, chutiang chu ani a. A dang lokal leh tur hi vaibelchhe sawmli chuang kha Central-in “Mizoram Sorkarin vaibelchhe nga leh nuai sawmsarih pali Utilization Certificate inrawn pek a hi kan pawm theih loh avangin vaibelchhe nga leh sawmsarih pali hirawn recover phawt ula tichuan a dang kanrawn pe ang che u” an ti a. Kan buai khawp mai a, tihngaihna kan hre lo a, Planning te leh Finance te nen kan han sawi khawm a, kan Department te nen pawh ngun takin kan zirho thin a, a changin tukverh te atanga hmuh dan a awm lawmni kan ti a, kan zuk nawr thin a, kan Officer te pawh an hah ngar ngar hle a; amaherawhchu, an pawm thei ngang lova. C.M ah kan han tlulut tawp mai a, anin pa chan chang tak mai in ngaihtuahna zau tak hmangin kan Department te leh kan Zoram tan zel a lawm, thil lo kih hnawk tawh leh engemaw thil lo kal sual tawh te chu theihngihl mai ila, tichuan vaibelchhe nga leh nuai sawmsarih leh pali hi chu engemaw ti ti in zawng mai ang u a ti a. Planning te nen ati khawm leh a, alo tih mai theih si lova, a harsa khawp mai a, tunah hian kan buai khawp mai a, chutiang chuan vawiinniah hian sawmi kan Civil Hospital chungchang saw. Tin, Tania Company-in a sa mek a, khami a hmaa an lo sawi ang khanin. Tin, Pu Speaker, information-ah a hma khan Police Thanna zawng zawng te, I.G. Prison te lift fai vek a, bed 500 a sa tur khan an lo ruahman a ni a. Mahse, kan sorkar tharin a ruai tawh a, Traffic kan chep si a, sawta khum 500 a awm chuan Aizawl khua hi khaw nuam lo ber a ni anga. Tin, hriselna lamah pawh thli leh ilo kha a tam dawn lutuk a, a nuam lo dawn lutuk a. Tin, chanchinbuah pawh a chhuak awllo a ni a, tiin sorkar thar pawhin ngaihtuahna a nei a, ngaihtuahna thui tak neiin Referral Hospital lamah sawn phei nise tih a ni a. Amaherawhchu, lo sak mek x-ray lam extension saw zawh ngei ngei a ngai a. Tin, hemi trauma centre leh emergency atan, hemi vehicle leh nau neihna room te sak mek a ni a, zawh ngei ngei a ngai a. Hei hi erawh chu chhonzawm zel se kan ti a.

Tin, sawlai atan sawn englai pawhin quarter saw a ngaih avangin, quarter tur saw chhonzawm zel se kan ti a. Tin, chutihrualin quarter tur sawlai hmun Casualty thlang lama kan quarters awm mek leh sawlai zawl saw kan insem ta a, tiang chuan ruahmanna kan siam a. Amaherawhchu, khatianga VIP ang lova pawisa lo hman a nih avang khan Central nen kan indawr reng a, a thar rem kan tum a. Chung zawng zawng chu thil khirh tak tak a ni a. Pu Speaker, member ten an hriat duh chuan chu chu nuam lo ti tak chungin ka'n sawi a nih chu.

Pu LAL THANHAWLA, CHIEF MINISTER : Pu Speaker, khami a floor bo tih an sawi an sawi thin kha kan zawng kan zawng a, kan zawng hmu zo lo a ni. Tunah hian vaibelchhe nga leh nuai 74 Utilisation Certificate (UC) an lo siam te pawh khu lamah an pawm thei si lova, tihdan kan zawng a, Planning te, Finance te nen; a thut beh vaibelchhe sawmli lai kha a uihawm si a, mahse, kawng kan hmu zo thei lova. Mahse, tunah hian kan Minister-in Ex-MLA a nih laia a lo sawi tawh angin zawn hmuh kan tum hram hram a, kan zawng hmu zo lo a ni. A thutbeh kha uihawm tham a ni baw si a. Chuvangin, Dikna lam tel ni mai selangin, CBI te hian zawng sela an hmu thei zawk awm mang e aw, tih ngaihtuahna a awm mek a ni.

S P E A K E R : Tunah hian minute 5 chiah kan la nei e. Zawhna 16-na zawt turin Pu Lalduhoma.

Pu LALDUHOMA : Pu Speaker, GAD changtu Minister zahawmtak chhan atan ka zawhna (a) Sangau-ah hian Civil S.D.O dah tumna a awm em? (b) A awm chuan engtikahnge dah a nih ang?

SPEAKER : A chhang turin GAD changtu Chief Minister Pu Lal Thanhawla i lo sawm ang.

Pu LAL THANHAWLA, CHIEF MINISTER : Pu Speaker, Sangau-ah hian hun hmasa atang tawh khan Civil S.D.O dah tura ruahmanna kan lo nei tawh a, tunah sawn a tak tak an nei chiah lova, B.D.O in-charge a la a. Tin, kan han ruahman a, amaherawhchu M.C.S Senior Grade tur an ni a, S.D.O Civil tur hian, chulai bawr tak chu kan indaihlo hle mai a. Amaherawhchu, neih thuai a, Civil S.D.O pangngai dah thuai kan tum a ni. Sawlai hmun saw kan rama tlang sang ber Phawngpui awmna te a ni a, saw saw Tourist attraction atan kan han ti a, tha taka develop tum a ni a, a ngai ngai ang sawn, black top kawngte siam lovin, chung vel atan te chuan a pawimawh hle mai a, hmanna kan va kal atang khan a lang chiang a. Chuvangin, mihring kan indaih veleh dah kan tum a ni.

SPEAKER : Zawhbelhna a awm lova, zawhna dangah kan kal thei a. Zawhna 17-na zawt turin Pu T. T. Zothansanga i lo sawm ang.

Pu T.T. ZOTHANSANGA : Pu Speaker, ka lawm e. Hon'ble Minister Home Department ka zawhna chu hei hi a ni – Mizoram chhungah Cachar SSA School a awm em?

SPEAKER : A chhang turin kan Home Minister zahawmtak Pu R. Lalzirliana i lo ko ang.

Pu R. LALZIRLIANA, MINISTER : Pu Speaker, zawhna chhanna chu – Awm e, Phainuam khua Buarchep-ah Primary School hi Assam SSA ten an din a ni.

SPEAKER : Zawhbelhna, Pu T.T. Zothansanga, a dawtah Pu Lalthansanga.

Pu T.T. ZOTHANSANGA : Pu Speaker, ka lawm e. He ramri buaina hi Mizoram hian hmanlai atangin kan nei tawh thin a. Tlemin ka'n sawi hmasa lawk ang a, min lo hrethiam ula. P.C sorkar lai pawh khan tih fihlim an tum a ni, amaherawhchu harsatna a awm a, kan salurawn hawn tur a ni e ti an awm avangin harsatna a awm ani. Chumi hnuah Congress an lo sorkar leh a, anni pawh chutiang bawk avang chuan an bawhzui hlei thei lova, salurawn hawn tumte an awm a, amaherawhchu vanduaithlak takin anrawn hawn leh si lova. Tunah hian tuna harsatna awm chawp nilovin, hman

atanga tuten emaw an keipui sa hauh avanga tun thlenga harsatna awm, amaherawhchu kum 10 an sorkar hnu pawha hma an lak hleihtheih siloh lai kha ka rilruah arawn awm a, chu chu ka'n sawi hmasa duh a.

Hei, Pu R. Zamawia lehkhah hi ka'n en thin a, Mizoram documents pawimawh hi a tam khawp mai a. Tin, Synod rorelna hnukung ber 20 na-ah pawh hian arawn sawi bawka, ramri chungchang tifel tura sorkar an nawr na arawn tarlang tel bawka. Hei, Pu Zamawia lehkhahu leh lehkhahu hrang hrang documents te ka en naah hian Mizoram in independent a puanna 1966 March te, Memorandum Prime Minister hnena an thelhuh te, Mizoram Constitution anrawn duante. Tin, Delhi a inremna, MNF hruiute leh Delhi hotuten an siamna te. Pu Speaker, Salurawn hawntute hmanlai atangin documents pawimawh zawng zawng, history te kan han chhiar kan han chhiar a, ramri hi an lo ngaipawimawh miahlo a ni tih laite kha ka sawi duh a. 2007 February ni 17 khan kan Home Minister zahawmtak khan Hnam Runa a thusawina-ah chuan ramri chungchangah hre berrawn inti thar an awm a, mi hriat bak bak hria niawm takin an iak an iak a, Mizoram sorkar hian Mizoram ramri chin Chiang takin a hria a, inch 1 pawh tawlh a tum lo, tunah pawh kan Chief Minister Delhi-ah a cham meka, Home Minister te leh Prime Minister te nen boundary commission din turin nasa takin hma an la meka ni, February 2007-ah a lo sawi tawh a. Kha kha boundary commission kha din a ni ta em? tih ka zawt a. Tin, an lo din lo a nih chuan tunah hian kan sorkar hian Boundary Commission a din ta em tih ka hre duh a. Nia, hei anrawn hawn talo sa sa, tuna ram hruiute hian ngaihtuah chhoh chu a ngai a ni ta mai a. Engtingge kan tih fel tak ang tih chu ka hre lova, hei kan Mizorama kan party liante zinga mi pakhat chuan June 30, 1986 khan party pakhat Nationalism chu a tawp hmak ani arawn ti a, khangte kha tak tak ani em ka hre lova, kan hawi vel a, a nationalism nia inhria party tin mai te kha an lo awm ta lo leh nghal a, ka rilrua zawhna pakhatna chu Boundary Commission din ani em? A pathumnaah chuan sorkarin engtingge hma lak zel a tum tih kha ani.

S P E A K E R : Tunah Pu Lalthansanga, zawhna hun chu a la awm chiah chiah mai thei han zawt la.

Pu LALTHANSANGA : Minute 2/1 vel a la awm a, ni e Colonel Lister-a te atanga han sawi phei chuan sawi tur a tam khawp mai a. Chutah chuan 1870 tih vel te 1930 vel te pawh han sawi ta i la, khatiang lai kha chuan han inpuh tur Zawlbuka e tang leh e tang kha, kha vel kha ani mai a, hemi Boundary Commission ti tur hian 1996 khan Congress nen (Congress kan bail-out tum che u khan) Sorkar kan siam dun a, khatah khan kan buai a, kan Chief Minister zahawmtak, tuna kan House Leader ni mek hian Home Ministry-ah kan zuk thlen ang a tiin a zuk tlan thla a, chuan 1996 ah khan hemi chungchang hi sawi a ni a, District Commissioner level-in chutah chuan Chief Secretary level-in, Chief Minister level a sawi leh tur kha a ni a. Khatah kha chuan sawise chu Boundary Commission/Boundary dispute kha kan nei ani tih kha a Chiang dawnin a lang a. Chumi atan chuan 1996 a kan thu hnutchhiah silent ta hi a tih nun leh theih ang em, a rebound leh theih ang em kha thu a kha? tih kha ka zawt duh a. Tin, hemi kan sawi dawn chuan in nek a ngai a ti a, hei ka boss hian. Chumi atan chuan economic measure tam tak Inter State Road hi PC sorkar khan 8 a lo buatsaih a ni. Khatiang kan lo tih zawng zawng kha hmana kan buai tum 1996 pawh khan

kan life line chu P.C. sorkarin hemi Khawzawl-Singzawl-Thamlawn road a lo siam hmang khan kan dam ta kha a nia.

S P E A K E R : Budget Session kan la nei dawn a, chung hunah chuan a sawi theih ang.

Pu LALTHANSANGA : Chung hunah chuanin Chief Minister level tiha kha a tihnun leh theih angem? tih kan zawt ve duh a ni e.

S P E A K E R : Tikhan kan zawhna hun a tawp a, kan zawhnate kha a awm ta si a, min chhang thei lo ti khan heti lam hian an ngai ang tih a hlauhawm bawk si a, ruling lam kha. Han chhang hram sela – Home Minister-in a tawi zawngin.

Pu R.LALZIRLIANA MINISTER : Pu Speaker, SSA insakna hi kan sawi lawk ang a. He Sikul hi sorkarin a hriatpuia sak a ni lova, an sakna hmun hi kan han chhui in huan chepah a ni a, nichina kan sawi tak ang khan a ram neitu hi Thangkhawliana a ni. A ram neitu hian ama phalna in (amah hian pass a nei bik lova), Mizoram atangin pass a nei lova, Assam atang pawhin pass a nei bawk lo a ni tih kha kan hriat a pawimawh a ni. Tiang chuan Thangkhawliana hian a sawi dan chuan 2011 kum tan tir lampang khan helai hmuna sikul sak hi an rawn dil a ti a, a diltu te pawh hi hre lovin a pawisa duh khan cheng 3000 kan pe ang che tiin a lo sak tir mai niin amah chuan a sawi a ni. Tiang chuan Assam sorkar atanga SSA mission atanga cheng 7 an hmuh khan an rawn sa ta a, tah chuan zirtirtu 2 leh cook te chu rawih an ni a, naupang 10 atang 18 vel an awm a, cheng 1800 hlawh in zirtirtu rawih a ni. Helai sikul dinna hmun hi Assam Inner Line Forest Reserve hrul ami an ti nachungin khulai khu ramri chiang lo, (hman ami te kha a lo chiang anih chuan a chianna kha ziah lan a awm chuang lova) lo lai chho vel vek a ni a, sikul dinna hmun khu kan sawi tawh ang khan Assam Inner Line Forest Reserved chho vel ami a ni na a, amaherawhchu, he sikul atanga Assam lam dep 0.30 Kilometer thlenga land holder chu Mizo vek an ni thung a ni, kan ram chhung ni-a kan claim lai mek chu a ni ngei a ni tih chu a chiang a ni. Hemi chungchangah hian DC Kolasib ten Assam lam te an bia a, tiang chuan hmalak mek a ni tih kha kan sawi duh a. Tin, Pu Lalthansanga zawhna leh boundary commission-te din a ni em tih te nen han chhan kawp vek chu, sorkar hmasa khan boundary chu din a ni a, a document eng mah kan hre lova, tunah hian kan sorkarah hian ‘Boundary Commission kan din ang’ kan ti a, amaherawhchu, commission kha alo tih theih lova (keimahnichauhin) khulam te nena tang kawpa tih tur a lo nih avangin an ni’n “kan be ei mai thei rih lo” an tih avangin boundary committee kan din a, chu chuan Pu Lalthansanga zawhna te, Chief Minister te inbe rawh se tih te a tul dan ang zelin khang kha kan rawn chhui chho dawn a ni.

S P E A K E R : Awle, zawhna hun minute 5 laiin kan pel tawh a, vawiinah hian Pu S.Hiato hi damlohna avangin a lo kal thei lova; tin, Pu Lal

Thanzara hi khuallian anih avangin a lo kal thei lo bawk a, chu chu House ka'n hriattir a ni. Tunah chuan Laying of Papers hun kan lo hmang anga, Pu Lal Thanhawla CM zahawmtak heng paper "The Mizoram Water Supplies (Control) Amendment Rules 2011 leh "Annual Report 2010-2011 of Joint Electricity Regulatory Commission for Manipur and Mizoram", lay turin i lo sawm ang.

Pu LAL THANHAWLA, CHIEF MINISTER : Pu Speaker, i phalna leh he House remtihain "The Mizoram Water Supplies (Control) (Amendment) Rules 2011" leh "Annual Report 2010-2011 of Joint Electricity Regulatory Commission for Manipur and Mizoram" hi he House zahawm tak dawhkanah hian karawn pharh e.

S P E A K E R : A copy kha han sem rawh u le. Pu Lalsawta, Minister zahawmtakin "The Institute of Chartered Financial Analysts of India University (Mizoram) Rules 2007" hi House dawhkanah han lay sela, i lo sawm ang.

Pu LALSAWTA, MINISTER : Pu Speaker, i phalna leh he House zahawmtak remtihain "The Institute of Chartered Financial Analysts of India University (Mizoram) (ICFAI) Rules 2007" hi House zahawmtak dawhkanah hian karawn lay e.

S P E A K E R : Awle, a copy kha han sem rawh u le. Pu R. Lalzirliana, Minister zahawmtakin "The Mizoram Registration of Constructors (Under Public Health Engineering Department) Rules, 2011 hi House dawhkanah han lay sela.

Pu R. LALZIRLIANA, MINISTER : Pu Speaker, i phalna leh House remtihain "The Mizoram Registration of Constructors (Under Public Health Engineering Department) Rules, 2011 hi House dawhkanah karawn lay e.

S P E A K E R : A copy kha han sem rawh u le. House report present-na kan lo nei ang a, P.A.C. Chairman zahawmtak Pu C. Ramhluna kan lo ko ang a. Ani hian report 3- Fifteenth Report on Action taken, Sixteenth Report on action taken leh Seventeenth Report on Action Taken, hengte hi report rawn pe rawh se.

Pu C. RAMHLUNA : Pu Speaker, i phalna leh remtihain heng Action Taken Report 3 : 1) 15th Report on action taken by the Government on the recommendation of 13th Report of CAG for the year 2006-2007 relating to PWD leh 2) 16th Report on action taken by the Government on the recommendation contains in the 12th Report of CAG for the year 2006-2007 relating to Health & Family Welfare Department leh 3) 17th Report on action taken by the Government on the recommendation contains in the 10th Report of CAG for the year 2004-2005, 2005-2006 relating to Transport Department hi he House zahawmtakah hian ka present e.

SPEAKER : A copy kha han sem rawh u le. Pu T.T. Zothansanga, Member zahawmtak, Committee on Subordinate Legislation Chairman-in, 3rd Report of Committee on Subordinate Legislation rawn present rawh se.

Pu T.T. ZOTHANSANGA : Pu Speaker, i phalna leh he House zahawm tak remtihna in Committee on Subordinate Legislation Report 3na, 'The Mizoram Water Prevention & Control of Pollution Rules, 2002' leh 'The Mizoram Air Prevention & Control of Pollution Rules, 2002' chungchang te hi he House zahawm takah hian ka present e.

SPEAKER : A copy kha han sem rawh u le. Pu K.Lianzuala, Subject Committee-IV Chairman-in 1st Report leh 2nd Report of Subject Committee-IV Report House-ah han present rawh se.

Pu K. LIANZUALA : Pu Speaker, i remtihna leh he House zahawm tak remtihna in 1st Report of Subject Committee-IV Report relating to Rajiv Gandhi Stadium, Mualpui leh 2nd Report of Subject Committee-IV relating to Minor Irrigation Department hi House-ah ka rawn present e.

SPEAKER : A copy kha han sem rawh u le. Pu K. Lalrinthanga, Subject Committee V Chairman-in Subject Committee V, 3rd & 4th Report House-ah rawn present sela. Tin, tlem sawi belh hlek tur a nei a. Ka phalsak a, a tul angin sawifiahna te pawh nei sela.

Pu K. LALRINTHANGA : Pu Speaker, i phalna leh he House zahawmtak remtihna in Subject Committee V 3-na, 'National Rural Health Mission under Health & Family Welfare Department' chungchang hi House zahawmtakah hian ka rawn present e.

Pu Speaker, i remtihna in, Subject -V Committee hmasa chuan 8th March,2010 khan Health & Family Welfare Dept. hnuaiia NRHM chu zirchian turin a thlang a, chutia a thlan hnu chuan, NRHM inrelbawl dan leh hmalakna te zawh a ni a. NRHM atanga chhanna dawn uluk takin ngaihtuah niin an hmalaknate a hmun ngeiah kala enfiah a ni a, NRHM hotute nen pawh discussion neih a ni a. Hetia uluk tak leh fimkhur taka examination tih zawh hnu hian Subject-V Committee chuan report siamin sawrkar bawhzui tur recommend 10 lai an siam a ni. He report 28th March,2011 a House a present tawhah hian Civil Hospital Aizawl upgradation chungchanga recommendation Committee in a lo siam tawh atana Department hmalakna chu Committee hian a pawm loin recommendation thar a siam a, he recommendation thar hi para 2.9 ah ziah lan a ni a, a chanchin tlangpui chu hetiang hi a ni.

NRHM hmalakna hrang hrang Committee in 16th March,2010 a a zawhna Department-in 23rd April,2010 khan a rawn chhang a, chutah chuan Civil Hospital Aizawl upgradation atan kum 3 chhungin ₹ 456,60,226/- an hmang ral a, Civil Hospital Aizawl upgradation atan hian Aegis International and Associate chu consultancy service atan hman a ni a. Tantia Construction Limited hi contractor atana hman a ni a, contract price of

₹ 22,71,48,584/-contract hna engaged a ni a. An hna atan hian Government of India chuan 31st March, 2007 khan vaibelchhe 10 a rawn release tawh a ni. Committee chuan zawhbelhna siamin 14th May,2010 khan Civil Hospital Aizawl upgradation a kalpui dan leh item hrang hrang chiang taka ti lang turin expenditure statement zawhna a siam a. Department chhannaah chuan ₹ 4,14,87,758/-chhanna a rawn siam a, chumi chhanna bawk chu 2nd August, 2010 khan Department in a rawn pe leh bawk a. Amaherawhchu, Committee in zawhna dang a siam belh leh 20th August, 2010 a NRHM in a rawn chhanah chuan ₹ 4,26,16,045/- a ni leh ta a. Chutianga chuan Civil Hospital Upgradation a pawisa sen hi chhanna pathum lai inang lo kan dawng ta a ni. Chutianga chhanna in anglo 3 lai Committee in a dawn takah chuan pawisa banga pawh kha hriat chian a ni thei ta lova. A eng ber kha nge ni ang tiin hriatthiam a har tawh viau a ni. Committee chuan chutianga sum a awm avang chuan zawhna leh tih tur recommendation a siam leh a, pawisa hman bang kha khawiah nge a awm tih rawn chhang turin Committee-in zawhna a siam leh a. Chutianga a siam chuan chhanna atangin pawisa hmuhna tur a kha hriat a ni thei ta lo a ni.

Cheng Vaibelchhe 10 hman dan hriat chian hi a har tak em avangin sawrkar pawhin Utilization Certificate a siam thei ta lo niin a lang a. Tin, Committee pawhin tun thleng hian a la siam lo niin a hria. Chutiangchu sum awm dan anih tak avangin he para 2.9 recommendation an bawhzui dan chu Department-in July, 29, 2011 khan a rawn furnished leh a. Hei hi Committee chuan ngaihtuahin para 2.9 recommendation-a an bawhzui dan hi Committee chuan a pawm ta lova. Tuna ka present tak, “action taken report”-ah hian recommendation thar a siam leh ta a. Hemi chungchang hi CBI in chhui chiang se tiin Committee chuan recommend a siam ta a ni. Pu Speaker, ka lawm e.

SPEAKER : A copy kha han sem rawh u le. Kan Assembly Committee-te an taima a, an tang a, report tun tum session maiah pawh ni hnih lek han session maiah pawh hei report tam tak kan dawng a, a lawmawm khawp a. Tin, an ngaimawh ang te pawh sawrkar lamah te, department lamte pawhin a lo ngaimawhpui theih leh zual te pawh hi kan beisei a ni.

Tunah chuan Legislative Business lamah kan lo kal tawh ang a, Pu R. Lalzirliana, Home Minister zahawmtakin “The Mizoram Police Bill, 2011 hi House zahawm takah introduce phalna rawn dil se, i lo ko ang.

Pu R. LALZIRLIANA, MINISTER : Pu Speaker, “The Mizoram Police Bill, 2011” hi he House zahawm takah hian introduce ka rawn dil e.

SPEAKER : Le, introduce kan phal em ? House-in introduce kan phal a, tunah introduce-na a rawn nei ang a, chumi pah chuan ngaihtuah turin rawn move nghal mai se a tha ang, i lo ko ang.

Pu R. LALZIRLIANA, MINISTER : Pu Speaker “The Mizoram Police Bill, 2011” hi he House-ah hian ka rawn introduce a, chuan he Bill hi thil thar a ni a, India ramah keini state hian kan la nei lova. Tin, India ramah hian Independent hnuah pawh kan dan

neih lai hi kum 60 zet kan lo hman tawh a ni a, tiang chuan Police in awp dan te, thil chi hrang hrang a kal dan tur hi Committee tam tak pawhin hemi Police siam thatna hi a lo ngaihtuah tawh thin a, kan tunlai khawvel ram in a a thil tawn leh thil thleng mekte avanga Police mawhphurhna pawimawh zia hi ka hria a. Sorkar laipui pawhin Model Police Act neih tha a ti a, chumi duang tur chuan Committee a siam a ni. He Committee in a model siam chu state tin te hnenah thawnin state tin ten Police Act an neih theih ngei na turin min hriattir nghe nghe a. Tin, Police Reform chungchangah hian IPS officer Prakash Singh an tih chuan a pension hnuah writ petition Supreme Court-ah a theh lut a. Tichuan, Supreme Court-in a ngaihtuahnaah ruling a siam a, state sorkar tin te chu Police Act siam ngei turin phut kan ni ta a ni. Tiang chuan Supreme Court thutlukna anga Central sorkar thurawn angin Model Police Act zulzuin “The Mizoram Police Bill, 2011” hi Mizoram-a hman theih turin a rawn duang chhuak ve ta a ni a.

He bill-in a tum ber chu Mizoram tana Police inrelbawl na tha leh changtlung zawk neih a ni a. He bill-ah hian tuna kan dan hmanlaite bakah hian Police Welfare Board tih te, he Police Welfare Board hi keini Party manifesto (inthlan dawn a) Police Welfare Commission kan din ang tih a ni a. Kan Commission tih pawh kha Police Welfare Board ti a thlak a ngaih duh hmel in kan ring deuh a. State Security Commission tih te din ani ang a. Tin, Accountability Commission din chungchang ruahmanna tunah pawh hian a rawn tel nghe nghe a. A tul dan ang zela Railway Police siam chungchang te pawh a tel a ni. Heng hi kan ramah Bairabi thleng chauh Rail kan pawh luh lai, kan hnuh luh lain tunah chuan sorkar chak tak Pu Lal Thanhawla kaihhruai hmalakna in Sairang thlenga Rail head hnuh luh tum alo ni ta a. Hengte pawh hi chak zawka hmalak theihna turin Railway Police siam chungchang te he bill ah hian a rawn tel a. Tin, thingtlangah Police ten hna an thawh dan tur chungchang te leh Police transfer a a hun chung rei dan tur te, a limit ang chi te alo tel bawk a.

Tin, tunlai Police thiamna tangkai zawka hman theih dan turte leh Police training tha zawk, mumal zawka kan neih theihna tura kalpui dan turte he Bill-ah hian a rawn chuang a ni. Tichuan, he Bill hian mitinte dikna leh chanvo humhalh a nih theih nan te leh Dan hnuai a awmho tin te intluk tlang kan ni tih a lan tir a. A pawimawh zia chulaiah chuan a lo lang a. Tin, Police service tha kan ram in a neihna turte leh Remna leh Muanna vawn him zelna tur atana Police ten chak taka hna an thawh theihna turin a kaihhruaina kimchang tak helaiah hian a awm a. Chutianga chuan ram a nuam a, ram a thlamuang a. Chutianga duhsak taka min sawipui turin ka han sawm che u a ni e.

S P E A K E R : Tun tum kan Session-ah hian nimin lamah khan khawpuia thua inzuarte, Vendors ho Dan thar pawimawh tak mai kan pass tawh a. Vawiin lamah hian Dan thar pawimawh tak mai kan han rel ho leh dawn a ni a. Kan rama la awm ngai lo han ti ila, inenkawl na chu kan nei reng tho a, Assam Dan te, Central Dan te khawi khawi emaw atang khan kan han pawt khawm ve a. Mizoram Police Service Act kha nei lo mah ilangin engmah harsatna chu kan tawk chuang miah lova, mahse, ram hmasawn zel nan leh kan state-te pawh kan lo kal rei ve ta a. Kan state hrim hrimin “The Mizoram Police Service Act” kan han neih hrim hrimte pawh hi a pawimawh tawh reng reng mai a.

Tichuan, ka duh danah chuan inkhuahkhirh lutuk loh hi a ni a. Mahselangin, nimin lama kan tih ang deuh kha a ni a, minute 5 kan han tih khan a then kha kan inpe tam deuh a. Mahse, sawitu kha kan tam vak dawn lova, Dar 4 : 00 ah kha chuan kan tin hman tho

kha ka rin vang a ni a. Tun tumah pawh minute 5 thliah thliah em ni kan inpek leh ang? Phar an tam deuh hi chuan helam pang atang hian han strict ve deuh te pawh hi a ngai ve thin a. Phar an tam vak loh hi chuan han strict loh te pawh hi a awm ve thei a. Minute 5 chu ti phawt ila, pawimawh kan tih zual te khung leng turah ngai ilangin. Ngun takin kan lo zir vek tawhin ka ring a. Amaherawhchu, nimina kan pass tak te, vawiina kan tih pawh hi ka'n en thin a, ka duh ai hian a chhut hi a sin hlawm a. Ka mut hi a chhuak dawn mai zel a. Tlem a chhut hraw ni se chu ka'n duh thin khawp a. Mahselangin, vawiina kan tih tur pheih hi chu a hma index lampang te pheih chu a sin khawp mai a, a tak hi chu tlem a hraw leh deuh a, a chhah lutuk an hlau emaw ni dawn te ka ti a. Engpawh ni se, kan chhiar thei vek turah ngai ila. Sawi ho dawn ang aw. Tunge sawi hmasa dawn ? Pu R.L. Pianmawia i lo ko ang.

Pu R.L. PIANMAWIA : Pu Speaker, kan Home Minister zahawm takin “The Mizoram Police Bill, 2011” a rawn putlul hi phak ang tawkin ka'n thliir kual e ka ti a, a lawmawm hlein ka hria a. Kan tun dinhmun atana an thliir phak chinah a tha thei ang bera an rawn ruahman a ni bawka, ka pawmsak thlap mai a. Amaherawhchu, a nghahhlelhwamna lam hi ka han sawi duh a. Tun kan dinhmun aia thatna zawk tur tam tak ruahmanna hian a rawn thliir chho dawn a. Chuvang chuan, a nghahhlelhwam ka ti tak meuh meuh a, hetiang hi han tih puitlin a, hetiang ang han neih a, anih tur anga hma han lak chhoh theih dan hi a nghahhlelhwam hlein ka hria a. Tuivawl bialah khian tun dinhmunah pawh Zohmunah te, Sakawrdai, Vaitin, New Vervekahte khian kan sipai awmte khi a chung lang vekah an riak tam em em mai a, a bang pawh awmlo te a ni a, keimah ngei pawn ka tlawh a. Chuvangchuan, khitiang ang ngaihsak theihna tur remchang tak mai heng bill-ah hian a awmin ka hria a, ka hmuhdan chuan. Chuvangchuan, hetiang ruahmanna tha an rawn siam thei hi a lawmawm ka ti a. Chuvangin, hetiang ang mamawhna te pawh chu he Bill a a tel ang hian ataka kalpui hlan a nghahhlelhwam hlein ka hria a. Tin, lirthei chungchangah te pawh anih dan tur ang thlapa thuam an nih dan turte pawh tah hian ziah vek a ni a. Chuvangchuan, session hmasaah te pawh ka sawi tawh a, Darlawn post ami leh Sakawrdai ami motor chhe lutuk chungchangte kan sawi a, a thar awm veleha min pe tur khan kan Home Minister pawh khan min chhang kha a ni a. A la thleng lo nge ni kan nghakhlel viau tawh a. Chuvangchuan, he Bill-ah hian khang kan mamawh zawng zawng tihpuitlin anih dan tur engkim kha a inziah avangin arang thei ang bera he Bill hi pawm a, pass mai kha ka rawn rawt a ni. Chu chu ka rawn sawi theih tawka ni se, ka lawm e.

S P E A K E R : Tunge sawi leh dawn le? Pu Lalduhoma.

Pu LALDUHOMA : Kan hriat angin India ramah hian sap ho kha sumdawng turin an lo lut a, 1856 ah kha chuan Kanyakumari atanga Himalaya thleng, Indus lui atanga Brahmaputra lui thlengin min awp ta a. 1857 ah India chuan a independent humhim tumin sepoy mutiny ropui tak kha a lo chhuak a, mahse an hneh lova. A kum leh atang khan East India Company kha titawpin Crown rorelna hnuaiyah India chu dah kan lo ni ta a. British Sorkarin kan chungah ro an rel chhung zawng zawng khan an duh ber chu India mipuite chhiah chawi kha a ni a, kan chhiah kha an thlahlel a, labour a tlawm a, thingpui huante a hlawk a, chu chu an thlahlel a, defence an ngai pawimawh a, law and order an ngaipawimawh leh ringawt a. Development an ngaihtuah lo a ni. Min awp a ni mai a, Mizoram ngeiah pawh kan hmu a. An zankhat riaha tur lek pawh Bangla khawkar tinah nalh

takin an sa a, anmahni tan chuan budget an nei tha, mipui tan engmah an ti lo. School kan din dawn pawhin an awih lova, party kan din dawn pawhin an awih lo a nih kha. Chutianga awpbeh hnam kan nih laia Police Act, 1861 a an lo siam kha imperialism hmanrua atan, awpbehna hmanrua atan, thuneitu kut kea tan India ramah hian Police an lo din a, chu Police Act kum 150 a upa ni tawh chu tun thleng hian kan la hmang a ni. Chuvangin, India ram police zawng zawng hian he dan thing tak hnuai a awm hi an ning a, thuneituten duh duha an hmanrua nih theih nih hi an ning a, dan thar hi awm tawh se an thlahlel em em a ni. Commission wawi duai lo an din tawh thin a, mahse implement a ni ngai miah lo. India rama sorkarna chelh tawhtu zawng zawng hian sap hovin awpbehna hmanrua atana thuneitute hmarua atana police an hmanna tur atana dan an siam kha hman ve an chak vek, tuman a thar an siam duh reng reng lo. Chuvangin, India rama sorkarna lo la tawh zawng zawng hian welfare state tak tak ai chuan an rorelna tihnghehna atan leh an thuneihna kutke atana police hman an duh avangin sapho siam kha an tidanglam phal ngai lo. A tawpah Prakash Singh-a hian Supreme Court-ah hian a challenge ta a wawinah hian Central Sorkar that vang nilovin, Supreme Court thuneihna avangin tih loh theih lova Supreme Court-in thu a pek avangin, he dan thar zalenna thar, reformation ropui tak hi a lo thleng ta chauhva. Chuvangin, Supreme Court chungah leh Prakash Singh-a te chungah hian a hmasain lawmthu ka sawi duh a ni.

He dan thar leh kan hman lai hi chu a in sei hleih em em a, a danglam nasa em em dawn a ni. Welfare state a police-te awmdan tur ruling party-in an duh ang anga an hman ngawt theih loh dan te chi hrang tam tak a rawn in zep ta hi a lawmawm tak meuh meuh a ni, chuvangin, han pass loh phal chi a ni lova. Recruitment-te pawh kan tih dan kan hria a, post 20/30 lek a ruah pawhin tlangval sing dawn an in tlar tawh mai a ni a, eng eng emaw list a tam em em a ni. Tuna he kan Police bill-ah hi chuan Gazetted Officer hnuai lam zawng recruitment ti tu tur hi State Level Recruitment Board a awm tawh dawn a ni, chumite chuan hna hi an la tawh dawn a, khami a board-ahte khan thuneih kan va tum leh talh dawn anih loh chuan a system hi a tha tawh dawn a, corruption a tlem tawh dawn a ni. Tin, Gazetted Officer chunglam chu MPSC lak tur tih a ni hmiah a ni. MPSC hi kan nei reng a, mahse an kuta pek phal loh hi kan ngah em em a, hna lak avanga kan Minister-te an hun tam tak interview nana an hman te hian ram a ti kal chak thei lova, chung lak ata te chu chhawkin kalphung tharin kan kal theih phah dawn hi a lawmawm ka ti a.

Tin, posting and transfer chungchang thuah hian political interference a tam em em a, India ram pumpuiah chu chu a nih dan a ni. A chhunga thawk Police Officer-te tan a ninawm em em reng a ni, an duh dan angin an hote an rem fel thei lova, hei ti rawh ti a order a tam a, discipline a kenkawh theih lova, police-te moral a ti chhia a, tunah hi chuan Key post-ah posting leh transfer reng reng a minimum period leh a maximum period a rawn prescribe ta thlap mai a ni. Chuvangin, duh duhin mi kha a transfer zung zung theih tawh dawn lova, a awm rei duh pawh kha a awm rei ngawt thei tawh dawn bawh lova, an hun a kim hma a transfer anih phei chuan sawisel theihna right an nei tawh dawn a ni, a chhan azir khan. Chungte chu a nih avangin a danglam hle tawh dawn a. Tin, hmeichhia leh naupangte hi hei kan ramah pawh naupang kum tlinglo nausen lamin pawngsual te an tawh tawh a nih kha, hei hi a bik taka ngaihtuah a nih theihna turin Police Station tinah Women and

Child Desk an ta bik tur, an protection desk kha a awm vek tur a ni tih a ni ta a ni, Police Station tinah a awm anga Women Police ten chu chu an enkawl tur alo ni dawn ta a.

Tin, modernization hi a hma aia nasain he bill hian a rawn keng tawh a. Forensic Science Laboratory-te, Mobile Forensic Science Unit-te, tin, Directors of Police Telecommunications-te pawh hi alo awm dawn ta a. Training-te, Research-te, khang ang hnuaiyah khan equipment tha tak tak kha a awm leh dawn a, hemi kan bill thar anga Police kan modernize-na turah hian dik tak leh fel taka kan tih ka duh a. Thawkkhat lai khan Assembly-a Committee pakhat hian hman deuhva Police ho tana Zu rim nam tehna khawl i ti mai ang, kan hriatthiam theih zawngin, cheng tam tak man an lei kha kan en duh e kan ti a, Police Headquarters-ah kan tlanchho a ni, Committee ho kha, an dahna pawh an lo hre tawh lova, an zawng khawm a, a then chauh min hmuh thei a ni. Hman tangkai a ni miah lova, an hman thiam bawk lova, training pawh an nei bawk lo a ni. Khatiang chi sum duh avanga sum siam nana kan Police-te hminga thil lei, hman tak tak theih siloh tur leh tangkai silo lei vak vak ang chi kha a tam em em thin kha.

Khulai Mualpuiah khuan ka mit ngeiin ka zuk hmuh pakhat chu bomb phurhna Traylor a ni. Bomb dahna khu an dah thluah mai a, a tyre-te a mawih chhe vek tawh a, a rit em em mai bawk si a, tawh chet ngaihna pawh a awm lova, hnawk an ti em em mai a, hman tangkaina a awm miah lo. Khangte kha an lo lei nghek nghek ringawt a, khatiang chi te kha helaiah hian awm tawh lo se, tha takin a Bill-in a tum ang hian kan Police-te hi enkawl nise tih hi ka sawi duh a.

Tin, Additional Police Force lak theihna dan hi he Bill hian a rawn keng a, hei hi a kal zelah kan Home Guard-te pawh hi he Addl. Police Force atan hian engemawti kawnga adjust theih dan kawngte hi a awm thei angem aw tih te ka ngaihtuah a, hei hi hman tangkai theih tak tur anih te ka'n ring a. Tin, he Bill kan pass atanga thlaruk chhung hian State Security Commission din nghal tur a ni a, tihtur hi a rawn keng sa thluah mai a. Chu Security Commission-ah chuan kan Home Minister zahawmtak a Chair anga, Opposition Leader member a ni dawn a ni. A danglam tawh dawn a ni. Security chungchang kan ngaihtuah a, tuten emaw mi an kidnap a, tute emaw hel nen an inkungkaih a, election a thawhho te an tum a. Khang ang neuh neuh kha Security Commission purview vek tur a ni a, Opposition Leader a thut ve tlat chuan a remchang tawh lo khawpin ka ring a, a tha ka ti khawp mai hengte hi.

Tin, Police Accountability Commission, hei hi thla thum chhunga din tur a'n ni leh a, hna a tam dawn khawp mai. Hei hian a tum chu mipuiin Police laka complaint an neih ngaihtuatu tur a ni. Chutiang chu a nih avangin mipuiin complaint an rawn siam ang a, dik lo taka lo inhrosa te, lo inti lal te, rui chung a mi lo vau te emaw an awm thei, khang ang zawng zawng kha hei hian a ngaihtuah tawh dawn a. Kan police-te laka kan him lohna a awm thei a nih chuan chumi laka mipui kan him vena tur lai pawh chu a rawn ruahman thlap mai a. 'Statement of Objection/Reason'-ah hian extra expenditure a awm dawn lo tih hi kan Minister zahawmtak hian a rawn ziak naa, an remuneration te pawh hi a ngaih ve dawn avangin tlem azawng chu sum sen belh tur pawh hi a awm turah ngai ta zawk ila.

Tin, police-ten mipui hnena an mawhphurhna ‘Social Responsibility’ hi a hranpaa ziaak lan a ni a, hei hi a tha hle mai. Mipuite ta, mipuite tan an ni ngawih ngawih tawh dawn a ni. OC te leh senior officer-ten an area chhunga village-te an tlawh tur a ni a khat tawkin. Tah chuan tualchhung mi an bia ang a, an contact ang a, thawhhona tha tak an neihna turin, chu chu he dan hian a Act-ah hian ziaak lutin a phutin a phut tawh dawn hi a tha em em a ni.

Tin, Police Establishment Board hi a awm dawn ta a. Hei hi a police force chhunga lungawi lohna leh harsatna neiten an thlenna tur bik a ni. Kan ramah hian a rank hnuai lamah commando hial training zo tawh te pawh pute vawk chaw tur zawnga chhuak mai mai te hi an awm thin a ni, a dik chiah chuan. Hautak taka training paltrang tawh si pute in sa ta mai mai, an huana awm ta mai mai leh illegal orders, hotuten dan dik lo taka ti tura thu an pek te, khang ang chi zawng zawng laka an vuivaina an thlenna tur kha a awm tak avangin a tha hle a. Tin, he Establishment Board hian SI leh a chunglamte posting tur a rawn recommend thlap thlap tawh dawn a ni. “Hei hi kan Block President fapa a ni a, helaiah hian dah rawh u” tih ngawt kha a theih dawn tawh loh. Recommendation an rawn siam ang a, state sorkarin a pawm dawn lo a nih chuan a pawm loh chhan ziaakin a record thlap a ngai tawh dawn a ni. Chuvang chuan, kan police force-te hi thawh that an duh a nih phawt chuan thawh that theihna tur heta hi a awm ta e. Thil tih that kan duh a nih chuan kan police force-te leh keini politician-te tan pawh hian tha taka kan thawh theihna tur thil thar lawmawm tak a ni tih hi ka’n sawi duh a. Tin, inter-district transfer te thlengin an rawn khawih dawn a ni a.

VDP chungchang hi mumal taka ziaak lan a lo ni a. Keini kan vengah te khuan kan chhawr tangkai em em a ni. Hengte hi mumal takin ziah luh thlap a lo ni a. Tin, Community Liaison Group, Police Station tinah a awm dawn a ni. Civil mi atang khan police leh civil mite kan inlaichinna a that theihna tur khan Liaison Officer kan nei tawh dawn a ni. Amaherawhchu, hetah hian a Chairman turte leh meeting tih dan turte a Act-ah hian a lang dawn lova, a Rules lampangin hei hi a rawn take care turah ka’n beisei a.

Tin, Urban Planning-ah hian hei Aizawl pawh kan thang zel a, Rail Station te, thil thar kan nei chho zel dawn a. Police-te rawn lovin town planning te kan ti a, development kan kalpui bawrh bawrh a, department concern-ten. Heng reng rengah hian Urban Planning-ah hian police-te rawn zel tawh tur a ni. Khawilaiah nge Police Station kan dah ang? Crime eng angin nge a pun dawn? Hei hian eng ang chiahin nge population-te a rawn tikhawloh anga, society-te a rawn effect ang ? Khatah khan police lam ngaihdan lak tur a ni tih te pawh alo awm ta a. Kan ngaihthlak tak ang khan rail kawngte pawh kan nei dawn a, Railway Police-te pawh kan nei thei dawn ta a, kan DGP control-na hnuaiiah vek. Railway Protection Force a hranga an han awm a, a hranga han enkawl te hi a buaithlak a, keimahni police-te hnuaiiah railway district-te special-in kan siam ang a, kan nei hrang thei turte pawh hi a tha em em a ni.

Tin, Police Welfare Board hi a awm dawn a ni a, hei hi anmahni a thawktu police-te ho hamthatna ngaihtuaktu turte an ni a, an health care chungchang te, insurance chungchang te, an thih san hnua an chhungte awm dan turte group housing chungchang te, hei state dangah chuan Group Housing Scheme hi an nei deuh vek a, police ho hianin. Thlatin tlem te tein an hlawh atangin an cut a, in tha an nei thei thin a ni. Tin, education te, khung Delhi police ah pawh khuan Delhi Police Public School a awm a. Delhi-ah khuan a tha ber pawla ni. Tun thleng hian ka tu te pahnih ka la kaltir ve a, keipawhin. Khatiang khan an

fate, an pate thih mai theihna hmuna duty thin ten an fate education tha an neih theihna tura education lama ngaihsak te, allowance-te pawh a rawn awm dawn a, darkar 8 aia rei an duty chuan compensate tur a ni tih te pawh hi danin a rawn ziak ta vek hi a lawmawm hle a ni.

Tin, tunlai hian Pu Speaker, hmanlai ang a ni tawh lova, sualna hrang hrang a tam tawh a, Bank lem te a lo awm a, kan buaipui em em, tunhma a thil awm ngailo, organized crime-te, economic offence ringawt pawh hi thil thar tam tak alo awm ta a, chu chu IPC leh CrPc te pawh hian a anticipate vek phak loh thil tam tak a lo awm ta a ni. Chung zawng zawng han ti tur chuan special cell te, special crime investigation unit te, a bik taka trained, a hranpa a neihna tur kawng te a lo inhawng hi a lawmawm hlein ka hria a, heng zawng zawngah hian Chiahpuam kan han tih ang chi ho zawng zawng pawh hi police training pangngai a an zir piah lam thil te a lo nih avangin mi bik kan mamawh dawn a, a lawmawm hlein ka hria.

Tin, hna hi an duty pawimawh zual nilo hi chu a out source theih ang, a ti a ni, he bill hian, hei hi thil thar tha tak a ni. Christmas hunah te law and order kenkawh a tul hunah te kan YMA te, kan VDP te hnenah hian police hian hna pawimawh han out source sela, helai hi lo ti ve rawh u aw, ti sela, han thawk tlang selangin a hranpa a regular force va lak ngai lo hian hun pawimawh leh engemawah chuan khati zawng khan a out source theih dawn a. Hengte pawh hi a tha hlein ka hria a.

A tawpna bera ka sawi duh chu, he Bill hian metropolitan police din theihna a keng a, kan la duh ve mai thei a, Aizawlah te chuan khawpui bik atan a ni a. Amaherawhchu DGP control na hnuaiawm tho tur a ni.

He metropolitan police ah hi chuan senior officer-te khan executive magistrate power an keng pah thei a, special act eng eng emaw khami chungchangah khan pek an ni thin a, a tangkai em em a, hna a chak a ni. Police vekin a case an rawn siam, police vek tena court anga ro an relsakna hnuaiyah khan hna hi a chak em em mai a, dikna pawh a kaltlang thin a ni. Police-ten convict ngei ngei tura an tih, court danga ava luha ukil neih that avang ringawt te a thiamloh an va chang a, an hneh thin lo ang te hi hetiang City Police-ah hi chuan a awm tlem deuh nge nge a; tin senior officers ho hi dan lamah LLB Standard zir zo leh pass chhuak vek an ni a. Chuvang chuan Executive Magistrate power han exercise thei tur kha an ni hrim hrim a ni. Chuvang chuan, khatiang thlang khan Commissioner System hian i kal ve teh ang tih te hi kan duh a ni, a lo thlen hunah pawh kan kal theihna turte a keng tel vek a. Tuna kan mamawh mek leh la mamawh deuh loh pawh, nakina kan la mamawh theih tur chenin he Bill hian a rawn take care vekin ka hria a. Chuvangin, mimal takin tuiawm ka ti a, lungrual taka kan pass a thain ka hria a ni. Ka lawm e.

S P E A K E R : Pass a dil tir theih tawh mai lawm maw nile? Kan Chiang tlang hmel ta riau mai a...Pu C. Ramhluna.

Pu C. RAMHLUNA: Pu Speaker, ka lawm e. Tukinah hian Bill tha deuh mai kan han sawiho thei tur hi lawmawm ka ti a. Nichina ka hmaa rawn sawitu khan a Bill kha a rawn sawi Chiang khawp a, han belhchhahna tur pawh a tam lo hle a.

Tin, Bill hi kan chhiar chiang hlawmin a lang a, a thatna leh a hman tangkaina tur pawh kan sawi chiang tlang turah ngai ta ila, hemi lai ka'n sawi duh chu Chapter 2 a Constitution and Organisation of Police Service tih a kha ka han sawi lawk duh a. Hetah hian ti hian a in ziak a, One Police Service in ti a, para ka ti mai a, para 3 ah khan - there shall be one Police Service for the State of Mizoram tih kha a ni a. Heti laiah hian hriat fuh loh deuh ka nei em aw ka hre lova, mahse ka hriat dan leh ka ngaihndan ka'n sawi lo thei lo a. Mizoramah hian Police Service hi pahnih(2) kan awm a ni lawm ni ka ti a, pakhat chu Indian Police Service a ni a, cadre hranpa an nei ta a, tichuan DGP te, Addl. DG te, tin IGP te leh SP thenkhatte pawh hi an ni ang a. Khang kha Indian Police Service Officer-te an ni a. Tichuan, a dang leh chu MPS hote an ni leh ta a. Chuvang chuan helaia 'there shall be one' han tih hi a dik lo deuh em, siam fel ngai a ni em aw tih ka rilruah a awm deuh hlek a, chu chu ka'n tarlang duh a. Chumi chuan helaiah hian a rawn sawifel leh ta a, a tul takna chu hemi para 4(3) ah khan - the recruitment to the Indian Police Service a ti leh si a, and to the rank of Dy. Superintendemt of Police shall be made through the Union Public Service Commission and the State Public Service Commission respectively a ti a. Hemi 4(3) a Indian Police Service hote UPSC in a recruit ang a tih lai hote hi chu a tul lovah ka ngai a, a chhan chu, thu awm sa, thil chiang sa kha a ni a, an tih reng kha a ni a. Keinin kan lo telh ve kha a tulna a awm em aw tih kha ka hrechiang vak lo pawh a ni maithei a, mahse ka hriat chinah chuan hei hi thil tul lo a niin ka hre deuh hlek a, kha kha enchian atan a tha em tih kha ka thilnungah a awm a, ka'n tarlang duh a. A chhan chu IPS te hi chu controlling authority hi Ministry of Home Affairs a ni a, state sorkarin kan control tlat lo a, chuvang chuan hei hi kan tih tel ve atan thil tul a ni lo mai awm mang e aw tih kha ka thilnungah a awm bawk a.

Tin, a dang lehah chuan Para 5 (1) te, Para 5 (3) te leh Para 6 (1) ah te khan DGP te, Additional DGP te, IGP te kha, hemi Act hmang hian kan appoint dawn tlat mai a, hetah hian hei hi chu kan ti theilovin ka hria a, DGP te chu Indian Police Service Cadre post an ni a, ka sawi tak ang khan a control-tu chu Ministry of Home Affairs a ni a, chuvangin anmahni khan Mizoram chu kan hriat ang khan AGMUT Cadre kan ni a, chu chu Arunachal, Mizoram, Goa leh UT te an ni a. Chumi a control-tu chu Ministry of Home Affairs an ni a, chuvangin heng DGP te, Additional DGP te, IG te leh SP then khatte Cadre Post bik ami kha chu Ministry of Home Affairs atanga an rawn appointment leh post vek kha an ni a, chuvangin keinin appoint ve theihna kan nei lo tlat mai a ni, kan appoint ve tulna chhan erawh chu pay an lak ve theihna atan khan a officer kha Govt. of India-in an rawn post ta a, a rawn post tak hnuah khan joining report an rawn submit a, joining report an rawn submit hnuah state sorkar khan appointment kha a pe ve chauh a, khami base khan pay kha an lo pe ve thin a, chu chu a rawn zawm ta a ni e, pay lo pe ve rawh u tihna ang deuh chauh kha a ni. Chuvangin a appointment tak tak kha keinin kan thei lo tlat mai a, chuvangin kan theih loh, kan power nilo kha helaiah hian kan ti tel dawn a ni mai awm mang e aw tih ka rilruah a awm a, chuvangin hemi Act hi a nihna ang khan lo hmang ta ni i la helai portion tak hi chu kan hmang thei lo dawn niin ka hria a, chu chu ka rilruah khan a awm a, ka sawi duh a nih chu.

Tin, a dang lehah chuan Para 6 (2) ah khan empanelment of the rank of DGP shall be done by the State Security Commission a ti a, chapter IV section 30 ah a sawi ang khan State Security Commission kha siam a ni ang a, khami khan empanelment kha a siam

ve dawn niin arawn sawi ta a. Khami pawh kha tih theihna kan nei dawn em ni ka ti ta a ni. A chhan chu AGMUT cadre kan ni a empanelment kha siam dawn chuan ACR kha kan neih a ngai a, an ACR ho zawng zawng kha Ministry of Home Affairs khan a kawl vek si a, Ministry of Home Affairs ho hnen atang khan an ACR kha dil dawn ta ang ila min pe miah lo anga, a chhan chu hmun hrang hrangah an post a, Goa-ah te an post a, Arunachal Pradesh-ah te leh Andaman-ah te an post a, khang ho ACR kha Ministry of Home Affairs khan a kawl khawm si a, empanelment atan khan ACR kha dil dawn ta ang ila min pe dawn lo tlat a ni, chuvangin hei hi kan power nilo kha kan sawi a nilo maw tih lai kha ka rilruah khan a awm a, helai tak hi chu kan tihchian deuh avan tul awm e. Vawiiinah hian lo pass ta pawh ni ila, Bill tha tak a ni a, han pass loh phal chi anih loh rual khan helai tak hi chu enchian deuh a ngai dawn tlatin ka hria a, keimahni power ni lo kha he Act-ah hian kan dahlut dawn a ang tlat a, state lian ho ta, entir nan Maharashtra leh Madhya Pradesh hote an mahniin an duh duha an tih theih hote Bill leh Act hi kan va la a, kan copy ve mai a ni awm mang e aw tih kha rilruah a awm deuh hlek a. Anni kha chuan an ti thei a ni, a chhan chu anmahni cadre a ni a, anmahni cadre kha chu an control thei a ni. Mahse kha kha keinin kan ti ve thei tlat lo va, kha lai kan tih theihloh lai kha kan in corporate dawn niin ka hria a, chuvang chuan a applicability kha khang ho vel khan harsatna min siam sak dawn niin ka ring a, chu lai chu kan venthawn deuh a ngai dawn niin ka hria a. Chuvang chuan khang te te kha Pu Speaker, han sawi chhuah ka duh a, lo enchian leh deuh va, tlem a tihfel hnuah he Bill hi putluh leh mai atan a tha zawk mai awm mang e aw tih te ka ngaihtuah rum rum a, pass loh phal rual a nihloh laiin kha lai kha a apply theih dawn loh tlatin ka hria a, chu chu ka'n sawi duh anih chu.

Tin, chu bakah chuan he Act-ah hian thil pakhat han telh atana tha awmin ka hria a, Annual Confidential Report writing system hi Act-ah hian in corporate-na a lang lovin ka hria a, hei hi a pawimawh riau va. ACR ziah chungchangah te hian hman atang khan problem kan nei thin a, entinnan, District-a post an nih chuan D.C in a initiate ang tih te kha alo awm thin a ni. Mahse kha kha officer hrang hrangin kan complaint thin a, a tawpah chuan Department atang khan ACR te pawh initiate kan lo ti ta kha a ni a, kan thawh ve lai pawh khan. Khatiang khan ACR writing system hi felfai taka duan law law nisela, ACR he mi Act-ah hian in corporate ni ta ang sela, DGP ACR tuin nge ziak ang a, Addl. GP tuin nge ziak ang a, S.P ACR tunge ziak ang tiang thleng te pawh khan he Act-ah hian telh ve ni se a van tha awm e tih kha rilruah a awm a. A chhan chu Act kan nei dawn si a, kha ACR writing system kha executive order anga kal tir ngawt kha thil dik niin ka ring lo deuh hlek a. Chu chuanin he Act kha a tihlawhtling dawna ngaihna ka nei a, chu chu ka han sawi duh a.

Tin, nichinah khan Establishment of Metropolitan Police tih kha ka hmaa sawitu khan a rawn sawi a, duh hun chu kan la nei ngei ang a, mahse Mizoram population hetiang ang zat lek, a pum puiah pawh nuai sawm leh tih lek kha kan ni a. Kolkata khawpuite, Bombay khawpuite a kawthler pakhat mihring awm zat kha kan la ni a, hei hi kan duh hunah chuan tih a ni ve tak na a, tun huna han dah teh ul hi a hma deuh em ? Kan duh hun chu nakin kum 10, 20 pawh a ni thei a tih te pawh kha ka thinlungah a awm a. Act dah reng si hman theih si loh enge a tul tehchiamna tih te ka thinlungah a awm deuh hlek a, chu chu ka han sawi tel duh a. Tiangte hi chu kan la tinlo anih hi, hmun dangah chuan nei pawh ni sela a tha a, mahse keini hi chuan kan la pha mang silova, kan phak loh tur Act hi chu a provisions-a dah loh mai hi a tha mai lawm ni tih te kha rilruah chuan an awm deuh va, chu chu ka'n sawi tel duh a.

Tin, hemi a tha ka tihna chu Police S.P ho ten thuneihna sang tak an nei a discipline/control chungchang thua thuneihna sang tak an nei a, suspension order te pawh tah hian thun thar a ni dawn ta a. Tin, discipline leh order te pawh S.P. kutah hlan a ni dawn ta a, hei hi a tha riauin ka hria a. A chhan chu hmun hla deuha post-te chu disciplinary action han lak te hi, appointing authority-te thuneihna kha a ni thin a, chu chuan harsatna a thlen thei. Nimahsela hengte hi chuan S.P. tena action lak theihna tur kha provide a ni ta a. Ti kha chuan a hnuaia mite ho control-na kha active tak khan a hmang thei dawn ta niin a lang a. Chu chu tha ka ti khawp mai a, lawmawm pawh ka ti a. Hei hi sorkarah engemawchen kan lo thawh ve tawhnaah khan tulna riau awmin ka hria a. He Act hian a rawn provide kha a lawmawm hlein ka hria a ni. Bill hi a tha viau a, chhiar pawh a nuam a, lawmawm ka ti a. Tin, hetiang Police Act kan han nei tur hrim hrim hi thil lawmawm tak a ni a. Mahse, khami ka'n han sawi te te avang khan hemi provision thenkhat lo hmang ta ang ni ila hman hleih theih loh awm lai kha chu la en chian deuh hlek a, tlema han delay deuh hlek a, siam fel a, next session-ah emaw te introduce leh mai te kha a tha lawm ni aw tih te kha ka rilruah a awm deuh hlek a. Chu chu hetah kan thutna lam vang ni lovin, he Act hi a hman tangkai dan tur leh a zahawmna tur atan thain ka hria a. Pu Speaker, chu chu ka'n sawi duh a ni e, ka lawm e

S P E A K E R : Le, a sawi sei thei ten an sawi sei thei te kha chu a lawmawmah ka ngai mai a, a vang chu thenkhat te chu inlengte nen kan ri leh liai liai mai ang a, a chhiar pawh kan chhiar chhuah peih ka ring lova, a ziak sin ropui bawk si a. Chuvang chuan a sawi tur, lo in study deuh ho kha kan thilphal a ni. Tunah Pu Z.S. Zuala ilo sawm ang.

Lt. COL. Z.S. ZUALA : Pu Speaker, ka lawm e, hei hi Bill tha tak niin ka hria a, hei aia thaa siam hi chu a har viauin ka ring. Tin, ka hmaa kan member zahawmtakin a sawi 'appointment of DGP' tih te kha state purview ni lo ang lek lek te khan a sawi a, kei ka lo hriat ve dan chuan kan state-in kan duhthua lo appoint ve mai niin ka hria a, state leh dan leh dun te chu detail tak phei chuan ka hre chuang lova. Mahse, practice danah hi chuan hetilai sorkar khan an duh ang kha DGP ah te, Chief Secretary-ah te pawh hian a ruat niin ka lo hria a. Kha kha hriatsual a nih leh nih loh phei chu Dan lam atang chuan ka hre lova. Point pahnih khat chauh sawi ka duh a. Hei hi Bill tha deuh mai a ni a, pass ngei ngei turin ka support a ni a. Nichinah khan kan member zahawmtak Pu Lalthansanga khan 'railway kan lakluh chuan vai ho kan ngam lovang' tih ang zawng khan arawn sawi a, Railway Police-te hi an awm dawn a, hei hian Pu Lalthansanga hlauhthawna kha nasa takin a hnem dawn niin ka hria a.

Tin, chu lo lehah chuan Village Defence Party hi, hei hi a pawimawh ka ti khawp mai a, hei hi uar zawkin hmang ila. Keinite pawh hi kan vengah te kan lo awm ve zar zar a, kan tan, a tha khawp mai a. Hei hi kan SP te thahnemngaihna a zarah kan tihchak chuan Police ho hi nasa takin a pui dawnin ka hria.

Tin, hetah hian point pakhat leh han duhthawh leh deuh mai ka nei a. Welfare Agrievance Redressal Mechanism a tihah hian ka lo sawi tawh thin thil pakhat a awm a, Police Personal killed in action te hi ka duhdan chuan job reservation hi pe ngei ila, job reservation for next of kin of police personal killed in action hi, sipai

defence personal and their families and dependants. Helasia ziah hi a tha viau mai a, financial security for the next of kin for those dying in harness tih hi kei chuan ka duhtawkw lova. Died in action hi engemaw clause, nakinah a rules lampangah te emaw corporate dante a awm chuan hei hi tih theih nise ka duh khawp mai. Kha kha keima mimal duhthu a ni a. Tin, a dang hi chu a tha ka ti a, hei hi hman thuai theih dan awm se ka duh a, a Bill hi ka support a ni, ka lawm e.

Pu R. LALRINAWMA : Pu Speaker, tawite in. A dan a thatna lam leh mipuite tan a thatna tur, Police-te tan chauh nilo, mipuite tan pawha hamthatna nasa tak tur a nih te kan ngaithla tawh a, khalam pang kha ka sawi ve hmaw 2/1 lek. Hei, pheh 8 na-ah khan pheh 7 na ami clause 11 khami-ah khan no.3 hi a inchhu nawn a, hei hi chhut nawn palh anih a rinawm a, a thu a inang chiah a, a no. pawh a inang chiah a, hei hi nakina siamthat leh ni ta sela.

Tin, ka dukhawp loh lai pakhat chiah awm chu selection and terms of the office of the Director General of Police tihah hian 'The Director General of Police so appointed, unless superannuating earlier shall have a minimum tenure of 2 years' tih a ni a. A pension hmaw anih loh chuan kum 2 chhung ani a, a term kha. Helamah a zuitu-ah hian kha kum 2 chhung pawh khan heng condition avangte hian a service te kha tihtawp theih a ni a. A extent theihna lam hi a awmlo tlat mai a, helam hi awm tel ta se, a chhan chu efficient tak mai, tha tak mai, sorkar pawhin a la chhawr duh em em te kha extent-na provision a awm lova, kum 2 chauh awm thei tur hi a extent-na provision-te hi awm thei se chuan a duhawm mang e ka ti deuh a.

Nichinah kan member zahawmtaktakten an sawi tawh a, a naka zentu ngei Police lampang, a naka zentu ngei member zahawmtak Pu Lalduhoma khan tha deuh maiin a dan that dan kha chu a rawn sawi tawh a, sawi vak pawh ka tum tawh lo a. Amaherawhchu, Supreme Court thupek avanga tih a ni, sorkar that vang pawh a ni love, tih lampang deuh kha a tel a. He Supreme Court thupek hi Judgement date hi ni 22, September, 2006 a ni a, khatihlaia MNF sorkar khan he thupek awm hi an bawhzui lo a ni. Chutah chuan Pu Speaker, he sorkar kum 3 hmel hmu chauh hian tam tak mipui hamthatna tur te, kan hnathawktute hmakhua tur te dan tamtak a rawn siam zingah tun ami pawh hi Supreme Court thupek ni mahse tikhawtlai theih niawm tak a ni a, 2006 daih ami a ni tawh a. Chuvang chuan, he ministry-in nichina an sawi ang khan Police-te duh duha a control-na laka an zalen ve a, independent deuh hleka mumal deuha an kalna tur a ni a. Hetianga he sorkarin mahni thuneihna hlip zawng leh mahni thuneihna hrek zawnga mipuite hamthatna leh ram hmasawna tur a nih avanga dan a rawn siam thin hi a lawmawm ka ti a.

Tin, dan leh thupek kenkawhna kawng hrim hrim pawh he sorkar-ah hian a mumal ta em em a, dan leh thupek kenkawhna a tha em em a, inrukbo thawmte alo reh ta a, tumkhat chiah a thleng ve a, chu pawh huaisen takin kan Police-te kut phuar loh an nih angin an chhanchhuak a ni a. Tin, sualna hrang hrangte pawh chhuichhuah an ni zel ta te, tualthahna leh engemaw sualna tam tak lo thleng mi tam takin pawn lama an sawi thinte erawh hi chu sorkar mawhpurhna leh sorkar kut chhunga thleng a nilo a ni tihte hi mipui ten an hria a ni. Silai tawlh ruk han tih te, hel rim nam ang chi te kha he sorkarah hian an awm ta lova. Chung chu chumi belh chhah tur chuan hei Police Act kan han nei dawn a ni a.

Hengte hian kan Police te pawh phur zawk leh tha zawkin hna an thawk thei ang a, chu chu a chhawrtu tur chu mipuite kan ni a. He danin provision a rawn pek appointment of legal adviser han tihte hi a tha hle mai a. Hei Police te, dante an zir tho na chung hian Law Court tak taka va practice an nih loh avang hian Criminal Investigation Department te pawh Police Organisation hnuai a hrangin khami kha a awm dawn a. Chungte pawh investigation sualna a lo thleng a, police-ten an han chhui a, misual an man te, thil tisuat ngeite pawh Court-ah chhuah leh mai a ni kan tih thin hi investigation mumal loh vang te, investigation an tihthat loh avanga Dan zawm tur an zawm loh avang te a ni thin a. Chungah chuan legal adviser an han nei dawn ta a, hengte hi department dangte pawh hian entawn sela, case nei tam deuh Revenue Department kan tih ang chi te, in hmun buai tam tak a awm a. Hengte pawh hian legal adviser post te pawh hi nei ve se a duhawm hlein ka hria a.

He danin hemi a rawn ruahman hi a lawmawm ka ti a, ka sawi ang khan investigation lamah te pawh phuisui tawh turah ngai ila, chutih rual rual chuan criminal procedure court kan hman hian state-ah Directorate of Prosecution hrang din turin Cr.Pc Amendment hian a rawn ti a. Hengte pawh hi kan Home Minister chak tak hmalakna hian an bawhzui chho niin ka hria a. Chung Directorate of Prosecution-te pawh chu misual an chhui a, charge sheet an han siam a, an sualna an va chhuichhuah kha Court-ah an thehluk hnuah sorkar ukil te leh defence ukil ten an han hmu a, siamthatna hun awm tawh silovah dik lo a lo awm hian thil tisuatute an sualna anga hrem te hi a har thin a. Chuvangin Court tan chhuah leh mai te a ni thin a, a lehlingin court lamte kan dem lek lek changte pawh a awm thin a ni. Chung avang chuan heng dan kan neih chhoh mek te leh kan hmabaka kan la mamawhte he sorkar chak takin ruahmanna an siam hi a lawmawm ka ti a, ka support a, pass ngei turin ka rawn sawi ve a ni e. Ka lawm e.

S P E A K E R : Le, sawi tur kan la awm em? Pu TT . Zothansanga

Pu TT. ZOTHANSANGA : Pu Speaker, Pu Duha rawn sawi ang khan police-ah min let san leh mai ang aw ka'n ti deuh va, a rawn sawi ropui ta deuh va. Mizoram Police Bill tha deuh mai kan nei a, kan Bill neih tawhah a fel ber niin ka hria a, kan Assembly-ah hian lawmawm ka ti khawp mai a, a ziak a te deuh tih kha chu ka rilruah a awm ve tho va. A thil hrim hrimah hi chuan tihsual a tam lo va, chuvang chuan Police Department an fel viau a ni tih kha ka sawi hmasa duh a ni.

Chutih rual chuan Assistant tihah te khan obligue hi a awm thliah thliah a, Superintendent tih kha ziak nghal thlap thlap sela, anmahni Police Department-ah chuan hriathiam sa a ni a, a rawn ziahlan ang hian Addl. Assistant or Deputy Superintendent a rawn ti ta a. Superintendent kha rawn ziak thliah thliah sela tha ka ti a. Advocate kha ka lo chhinchhiah ber lai a ni a, kan senior-in a rawn sawi fiah a, a lawmawm ka ti khawp mai.

Tin, Appointment of Additional of Police 12-na ami kha, police strength pangngai bakah kan mamawh belh a kha state-in kan lo va la ve thei em ni tih lai tak te kha min hrilhfiah theih ka duh khawp mai a, an power pawh police pangngai ang a ni ang tih ang chi te khan. Police kan indaih ta lova, lo lak ve ngau ngau ang

chi te nge ni additional police han tih lai tak kha hrilhfiah ka'n duh a ni. Tin 26-na ah khan District Arm Reserve a rawn ti a, kha IR te kan nei a district-ah an awm a, SP hnuai a awm vek tur ni si Commandant te kha an lo nei hrang ve si a, an power kha a in conflict palh angem tih lai tak kha ka rilruah a lo awm a. District levelah chuan SP hnuai a an awm si a, SP kha senior post deuh a ni ang a, heta a hnuai ami te kha engtingge helai contradict dan thei tur te kha kan hotuten lo chhinchhiah ta sela.

Tin, Security Commission-ah khan Pu Duha rawn sawi kha Opposition Leader kha member an ni ve thei a ni. Tunah hian Opposition Leader a ni tlat lo mai a, kan term hmasaah khan kan House Leader hi Opposition Leader kha a ni deuh reng thin a, amaherawhchu 2 vel kan han peh laiah khan 'E khai opposition i ni thei lovang' ti khan office te pawh chhuh sak deuh rum rum kha a ni a, khatiang khan kan rilru kan ti te tawh lo turah ngai ta ila a tha awm e. Tin, Police establishment board 39-ah khan Director of General Police kha chairperson tur a ni: tichuan, a 2na kha chairperson a ni ang a, senior most officer 4 kha member an ni dawn a ni. Tah chuan an complains-te kha, and shall make appropriate recommendation to the Director-General of Police. A Chairman kha a ni tawh tho tho si a, khami a ho a an rel a, an recommendation kha Director-a han thawh leh tho si lai te kha ka rilru a rawn kalh deuh hlek a, Chairman amah ni tho tho si khan an han rel laih laih ang a, tichuan a recommend a kha amah tho khan a thawh dawn a ni. Khalai te kha (a pahnhnaah khan a ni a) ka rilruin ka han chhinchhiah leh lai chu a ni a.

Tin, Metropolitan Magistrate tih angreng Metro Police tih ang reng te kha chu hun a kal zel ang a. Mahse tunah a la tul rih lo ve kan han ti tak viau na a, tun atanga dan kan siam hi chu a tha ve a nia. Entirnan kan kan ram boundary chungchang pawh kha settlement sawi dawn khan Pu Denga hnenah khan kan hotuten a copy an zuk pe teuh mai a, "E, tunah chuan a la ngai lo, thangtharin an ti thei mai ang," a lo ti daih mai a. Tuna kan buaina ber chu ramri hi a ni ta a ni. Chuvangin, Metro pawh hi tunah hian kan tih ngei ngei a ngai a ni. Khalai te kha nakina tih atana kan khek chuan thangthar lungfing ten min dem mai ang. A hun laia kan tih loh hi a hlauhawm ve thei a ni. Kha kha tlem ka'n sawi tel ve duh a ni. Sawi neuh neuh tur chu a awm zeuh zeuh nain, thil tam tak han sawi ka tum lem lova.

A tawp berah chuan Section 11 na sub-No. 6-ah khan tha deuh mai a lo awm a, Police Station hote reng reng hian Supreme Court Guideline te kha an tar tur a ni tih kha a rawn awm ta a ni. Zorama tuna harsatna kan tawh tam ber hi chu kan Police-te hian mipuite hi chu mawl tak ni ila min duh tlangpui a ni. Ukil kan nih lai te khan, keini chu Champhai lam kan ni a, kan la mawl angreng a, he kan mawl na hi advantage-ah an hmang nasa em em thin a ni. Police State ang deuh thaw a kan awm chang te pawh a awm thin a ni. Tun hma te phei chuan Tala han in lawk thlak sak a, mi in-a luh mai mai te kha Ukil-a kan awm hma te kha chuan a awm a ni. Khatiang khan mipui kha an mawl thei em em a, amaherawhchu, he danin Supreme Court-ina tih tur leh tih loh tur guidelines chungchangah thil engkim mai Station-ah an tar tur a ni tih chungchang tak mai hi tha ka ti a. A nawlpuiah chuan he Dan hi tha ka ti khawp mai a. Dan reng reng hi vawikhatah hian kan han pass ang a, a fel sa thlup theilo a ni. Kawr thar kan nei dawn a, a engamah hmaa a fual lutuk awm em mai tia han tah te kha thil awm ve thei a nia, kan han ti ang a, a thalo lai te kha

chu kan siamtha leh mai tur a ni a. Khalaiah khan kan hotuten vawiina mumal taka dan tha deuh mai anrawn chhawpchuak a, a typing leh a kalhmang hrim hrim pawh fel taka a duang hi lawmawm ka ti a. Tlang ngei turin ka rawn support a ni. Ka lawm e.

S P E A K E R : Member-te kan dawhthei a, a lawmawm khawp mai a, sawi ve hauh lo pawhin mi sawi lai te kan lo ngaithlain mi thusawi tihbuai te kan tum lova ; tin, heti lamah chair lam pawh ka lo in lazal khawp mai a, ka lo muthlu lek lek mai a. Thusawite pawh minute 5 kha kan ti na a, ka bawhchhe nasa khawp mai. Tichuan, kan hun khi chawhma atan chuan kan duh tawk dawn tawh ang a. Chawhnu lam erawh chu pass tur pahnih kan neih dawn avang khan chawhma ang ngawt chuan chair lam pawh kan awm tawhlo mai thei. Kan kal chak thei deuh tawh mai thei a. Le, kan chawl rih ang a, dar 2-ah kan chhonzawm leh dawn nia.

2 : 00 P.M.

S P E A K E R : Member 6 in kan sawi tawh a, a sawituah khan a tha lo ti lam kan awm lova, fimkhur thu hlaah engemaw lai te te kha an han sawi ri kha a ni hlawm a. Sawi tur pawh kan awm tawh lo mai lo maw aw, Minister hi ko tawh mai ila. Anih leh Dr R.Lalthangliana hian sawi se chumi hnuah chuan Minister kan ko tawh mai dawn nia aw.

Dr. R. LALTHANGLIANA : Pu Speaker, ka lawm e. Hei kan Bill hi Bill pawimawh tak mai, ‘The Mizoram Police Bill, 2011’ tih a ni a. Hei hi kum 2006 bawr vela Supreme Court-in direction tuna kan ngaihthlak ang khan Police officer senior tak, hun rei tak lo thawk tawh, mi hmingtha tak, Prakash Singh-in Supreme Court-ah police-te welfare leh a hnathawh zelna tur atana thil tangkai tur thil tamtak a veina a zara Court-in direction mumal tak pe a lo irh chhuak a ni tih kha kan hre tlang tawhin ka hria a, a lawmawm khawpin ka hria a. Sorkar hmasa khan engmah tilo ang deuh khan kan sawiin ka hria a. OSD hemi ngaihtuatu tur bik kha kan hriat theuh angin Pu Lalnggheta Sailo kha kan ruat a, chu pawh chuan a thiam ang ang chuan a tichho ve nawk nawk a. Amaherawhchu 2006 hnu lawkah khan inpeih leh mai tur khan a kum leh lawk kha inthlan kum te a lo nih avang khan thil peih hman te a ni lova. Amaherawhchu thil engkim kha tihfel theih hman a ni bik lova, hei tuna kan sorkar a enkawl mek tute kan Home Minister zahawmtakin thahnemngai taka a pawimawh a ni tih hria a hetiang anrawn pulut hi a lawmawm ka ti a.

Engpawhnise kha kha kan han sawi ve duh hrim hrim a, kan police-te hi han bihchian hian hemi Bill lo luh atang hian keini pawh kan han inzir Chiang ve deuh chauh a, kum 150 bawr vel lai mai inenkawl na mumal lutuk awm mang lova an han awm thei hrim hrim hi a danglam ve khawp mai a. Chuvang chuan keimahni Mizoram chhung chauh nilo India ram state hrang hranga kan police-te pawh an lo ni vek tihna angah khan ngai ta ila, Supreme Court-ina direction an han peka, state thenkhat chuan an lo implement nual tawh tihte an sawi a. Northeast-ah chuan ka hriatsual loh chuan Assam leh Tripura hian hemi denchhen hian ruahmanna an nei a, an kalpui mek tawh tih te an sawi ri a. Chuvang chuan kawng lehlamah chuan kan police officer-te leh kan police te hrim hrim pawhin he kan sawi mek hi an hmanhmawh hle ang a, tih hi a ngaihtuah theihin ka hria a, chuvang chuan House

pawh hian han pass ran sak pawh hi a tha hlein ka hria a. Chumi karah erawh chuan Pu Ramhluna thil han sawi zawk kha engemaw IPS thil te kha alo tel a, enfel ngai ang chi te kha kan Minister zahawmtak hian khang ang kha min khawih buai thei em tih te kha min han sawifiah sak thei turah ngai ta ila, khatiange anih kha chuan kan pass vat mai hi a thain thil thaah keini lam chuan kan ngai a ni tih kha ka han tarlang duh a ni.

Hei a lawmawm ka tih riauna chu chapters 9-ah hian ‘effective criminal investigation including use of science and technology in investigation’ a tih hi a tha khawp dawnin ka hria a, a taka thil kan tih theih chuan investigation by special crime investigation unit-te pawh kha din tur ni awm tak a ni a. Chu investigation department chuan investigation of inter-state tih te, hengte hi a tul khawp mai a. Hei border-ah kan awm a, inter-state te nena inhne hnai taka awm kan ni a. Tin, inter-district tih te leh other crimes of serious nature an han ti chho ta zel a, hei hi thil pawimawh tak niin ka hria a, a thil tih turte zinga thil pawimawh deuh mai niin ka hria a.

Tin, phok 6 naah khan creation of police zones and ranges tih kha a lawmawm khawpin ka hria a. Sorkar hmasa pawh khan southern range te kan han ti a, kan han dah zuai a, a hnuah hei dah leh a ni ta mang lova. Tin, southern range mai nilovin Mizoram pawh hi operation tha zawka a kal theihna tur atan awmze nei takin a strategic area te pawh ena khatianga ruahmanna te pawh kha he kan Bill hian a keng tel thei dawn hian ka hria a, churang chuan hei range an tihah phei hi chuan ‘it zones comprising two or more police ranges headed by an officer of the rank of Inspector General’ te a ti a. Hei hi thil danglam tak niin ka hria a, helaiah hian operation mumal zawk, awmze nei zawka a kal theihna tur atan thil tangkai tak ni turah te kan ngai a.

Vairengte lam te pawh khu kan han sawi thin a, khulam-ah te pawh khuan hnaivai lehzualah te pawh khuan deploy ti mai ila, police, a battalion ang zawng thleng te pawha dah dan kawng te pawh hi awm thei se chuan thil tha tak ni turah ka ngai a, border chungchang tukin zinga kan sawi thil tam tak take care tur atan pawh a tangkai ka ring a. Tin, thil lawmawm deuh chu, tu pawh hian Pu Speker, training thar hi kan mamawh a ni. Tuai thar zel hi kan mamawh tlat mai a, chumi chungchangah chuan helaia kan police-ten chapter 10-na mai bakah research and development keng tel ang zawnga AVL a thil kan han tithei tur hi a tha viau turah ka ngai a, nghahhlelhwam hlein ka hria. Tin, police welfare han tih piah lamah khan an grievancies redressal mechanism for police personal a ti a, ‘chapter 13 naah khan. Chumi hmang chuan welfare board te an awm ang a; tin, a thawktute khan an hna chungchang emaw, an hotute chungchang emaw, an thawhpui te chungchangah emaw harsatna an neih leh lungawi zan lohna an neih an zuk thlen theihna ang chi piah lamah khan police department pawn lampang ami civil mi pawhin kan lungawi chiah lohna, tha zawk kan duhna ang chi kan thlen theihna tur ang chiah provision-te pawh kha he kan Bill hian a keng tel hrim hrim mai a, hei hi thil tha tak ni turah ka ngai a. Churang chuan sawi dawn chuan sawi tur tam tak a awm ang a.

A tawp bera ka’n sawi duh chu, Home Guard-te kan han tih piah lamah hian helaiah hian telh a remchang em tih ka hre lova, nakin zelah (tunah chuan a tih rum rum theih loh mai theih a) kan hotuten lo la en ta ang sela, sorkar lamin hei Mizoramah hian keimahni sorkar, state sorkarin kan enkawl bak force engemaw zat hi kan nei ve a, entirnan, Assam Rifles kan han tih te, BSF kan han tih ang chi te, CRPF kan han tih ang chi te kha an awm a, hengte hi, venhimna lama mi pawimawh tak tak vek tho an ni a. Khangte nen pawha he Bill-

ah hian nakinah chuan la in co-ordinate tlan dante hi han awm thei pheis chuan a tha leh zual hle dawnin ka ring a. Chuvang chuan vawilehkhatah chuan thil engkim mai hi a dah theih vekin ka ring lova. Nichina Pu Ramhluna, kan MLA zahawmtakin a han sawi kan IPS te, a bikin senior officer te posting leh khatiang thil vela buai thei tur ang kha kan chingfel thei tho dawn anih tho si chuan kha kha min hrilhfhia ta phawt sela. Khami anih kha chuan he Bill hi tih tlang mai kha Pu Speaker, tha khawpin ka hria a, chu chu support pahin khalai te bik erawh kha chu min han clarify ta sela a thain ka hria a, ka han tarlang ve lawk duh a ni. Ka lawm e.

S P E A K E R : Tunah chuan Minister, Bill neitu Pu R. Lalzirliana kan lo ko tawh ang a, anin han wind up sela, pass pawhrawn dil nghal sela a tha awm e.

Pu R. LALZIRLIANA, MINISTER : Pu Speaker, ka lawm e. Vawinah “The Mizoram Police Bill, 2011” kan han sawi hova, kan MLA te mi 6 lain an han sawi a, ngaihthlak a nuam khawp mai a, nichina kan ngaihthlak tak ang khan a bikin Pu Duhoma min han hawn sak tha a, police lama a chinchang lo hre tawh, police officer lo ni tawh a ni a, a ni sawi kha chu a rinawm zual bik emaw tih mai tur a ni a, a sawi thiam bawka.

Tin, police-te duhsakna thui tak a lo la nei a ni tih kha a lang Chiang hlein ka hria a. Tin, midang hrim hrim pawh khan a pawrna lai leh a chhiatna lai ringawt ngaihtuah lova a thatna lai te inrawn sawi chhuak a, a chhiatna lai leh a that lohna lai ni awm anga sawi pawh kan awm lova, hriatthiam loh lai deuh nei te khan kan han sawi mai ni hlawmin a lang a. Heng kan Bill-ah hian a bikin Pu Ramhluna, MLA zahawmtakin arawn sawi ‘There shall be one Police’ tih ang chi te kha chu police service-ah hian Mizorama an lo awm chuan Mizoram pumpui huap hian IPS an ni emaw MPS an ni emaw Gazetted officer an ni emaw Non-Gazetted an ni emaw khang ho zawng zawng kha police pakhatatah arawn la tawp mai niin a lang a, khangah khan tumah thliar hranna awm chuang lovin thil kha arawn sawi a ni. MPS te leh IPS pawh ni mahsela Bill-ina a sawi hi chu Mizoram Police hnuaia awm zawng zawng kha an ni tihah khan min ngaihsak a thain ka’n ring a. Tin, recruitment chungchanga IPS leh MPS te kha sawi ve kher a ngai em ni tih kha, anihna lai chen chu a awm ang a, amaherawhchu hei hi All India Model Police Act zulzuia tih a nih avangin khatiang khan arawn tichhuak a, IPS te chu Union Public Service Commission-in an la tur a ni tih kha a Chiang a. Tin, MPS te chu State Public Service Commission-in an lak tur a ni tih kha arawn sawifiah leh mai niah ngai ta ila.

Tin, Act-in a sawi ve sen lem loh hi tam tak a ni tih hi min hriatpui ka duh a, chu chu Rules-in arawn take care vek turah ngai ila. Kha lamah khan a siamtu turte pawhin kan MLA te thusawi kha kan ngaihtla vek a. Khatiang khan anrawn tichhuak chho turah kan beisei a ni. Hetiang zulzui hian state tinin Police Act hi nichina ka sawi tawh ang khan kan nei vek a. Engmaw problem awm anih chuan State sorkarin initiative a la ang a, a ngaihtuah zel dawn a ni tih kha min pawmsak ka han beisei a. Tin, kan MLA zahawmtak tak ten Bill-in a ken tel pawimawh tak tak kan hriattur chu, Functional Autonomy hi kan Bill hian a keng a. Police-in mahnia independent taka inrelbawlna thui tak arawn keng tel a ni tih kan hria a. Kan ngaihthlak tawh ang khan, Transfer & Posting chungchangah te leh thil dang dang, hna han lak tih ang velah te pawh hian harsatna, sorkar enkawltute a zirin pressure a awm thin a. Khang zawng zawng pawh kha anmahniin thui tak an kenkawh theihna turin he Bill hian

Reservation a rawn siam ta a. Tawngkam mawi lo ni suh sela hmana opposition-a kan awm laia ka sawi thin chu, 'mawngkaw lama hrin ni awm te te police kan tam ta lutuk hi' han tih ang chi te kha chu kan police officer-te leh sorkar hnathawk hrim hrimte sorkar hna an thawh lai hian an lo sorkar khawp mai; amaherawhchu pawn lam atanga pressure a nasat hian 'heng hi lo la rawh' tih ang tawp tawp a awm thin avanga mi tlak lo deuh lo dah thin te a ni mai thei a, chung ang zawng zawng lakah chuan min ven sak dawn a ni tih kha ka'n sawi duh a ni.

Tin, Model Police Act lo chhuahna chhan hi kan sawi tawh angin commission hrang hrang hi din a ni tawh a, National Police Commission 1979 ah din a ni tawh a, Group of Ministers Security 2001-2002 ah te din a ni tawh a, Malimat 2003 ah din a ni tawh a, Revenue Committee te hi 2004 ah din a ni tawh a. Heng hian police reform-na tur hian thil tha tak tak recommendation an theh lut thin a ni. Amaherawhchu chung chu tihpuitlin a ni ngai lo va, chuvangin harsatna tak kan nei a, he dan hi 1862 ami daih tawh kha kan independent pawh kum 60 meuh hnuah pawh siamthat a ni thei lo a ni. Police-a lo tang tawh IPS fel tak Prakash Singh kha a pension hnuin Supreme Court-ah khan an sawi ta a, tichuan court lam atangin ngun takin an ngaihtuah a, kan rama muanna a awm zelna tur hian kan police hian administration tha zawk anmahni chhungah leh pawn lamah pawh an neih hi a tul a ni. Chuvang chuan Supreme Court direction-in vawiinah hian state tinte hetiang hian in nei tur a ni tih kha a lo chhuak ta a ni tih kha kan hria a ni. Chumi a nih avang chuan tunah hian functional autonomy thui tak nei thei tur leh he dan hi state tin ten deuhva kan hman turin an rawn ti chhuak ta a ni. Vawiina kan DGP te, Chief Secretary te central atanga tam tak Mizote kan zu enkawlna hnuai ami ni lo mahsela kan state-in thuneihna chin a nei a khatiang khan DGP hna chelh tura thlangtu turte hi an duh tui hle a, a thlangtu turte chu an duh tui a, security mission an ti a, chungte chu keini hian kan lo din ve nual tawh a, Bill Act-a a lo chan hnuah phei chuan changtlung leh zuala tih kan tum ang a.

DGP hi a pawimawh hle a, DGP ni tur chuan kum 15 an ACR a tha ngei ngei tur a ni, state danga mi tha vak lo kha chu state dangin an lo duh bawk lo a ni. Police headquarter-ah DGP pui tur Legal Advisor kan neih turte kha kan hre tawh a. Kan police-ten harsa takin hlauhawm karah misualte an man a, case-te an siam ve a, Legal Advisor, Law lam expert lem lo te eng eng emaw dan tlawh chhanin case an siamsak ve a. Amaherawhchu law court-ah mithiamte an lo awm a, an ruai a, khangah khan kan tla leh thin a, chutianga kan tlak tawh ngai tawh lohna tur chuan Legal Advisor kan han nei ang a. District tinah SP ten Legal Advisor, dan hremi an neihna turte a awm ang a. Kan police station SDP te, DIG te a tlem berah kum hnih transfer an nihin an awmna hmunah an awm tur a ni ang a, vawiinah chutiang ang lo deuh chuan tlatlum bik te an lo awm lo thei lo va, chungah chuan hmun chhia a awm tlawk tlawk tur an awm rei lutuk chuan dan angin an rawn claim thei tawh dawn a ni tih kha he Bill-ah hian a lang vek a ni. Tin, police hnathawhna chungchangah hian anmahni mawh an phurh theihna police accountable commission kha ruat a ni dawn a. Tin, pawn lam atanga an hnathawh a that loh chuan khatiang ang lo sawiseltu tur committee din theihna tur nen lam khan he Bill hian a keng a, a tha hle dawnin a lang a ni. District level pawh chutiang ang tho chuan District Accountable Committee Authority din tur a ni nghe nghe a ni. Tin, Welfare Board pawh din a ni dawn a, chuvangin nasa takin hma kan sawn thei tawh

dawn a ni. Tin, Railway Police-te a lo ngai tawh dawn a, a ngahhle awm hle a ni. Police-te pawh an lo pension nual tawh ang a, nakum lamah chuan 20 vel chhuak rual tur an awm lehngal a ni. Hengte pawh hi mi 10 chauh MPS hi lakna turin advertisement an chhuah a, hengah te pawh hian 20 tal chu vawikhat han la leh ila. Chutiang ni lovin kumtin 10 emaw la chho ila thangthar lehkha thiam ten chance an neihna atan a tha a. Amaherawhchu tunah hian pension an chhuak huk dawn a, a buaithlak hlein ka hria a. Kan sorkar pawhin hei hi an hriatthiam a, remna leh muanna, ralmuang ber state kan ni, kan ti a kan sawi kan sawi a. Heng kan nihna chhan te pawh hi kan police-te an indaih ve deuh avanga Mizoram pumpui min venghim thei a ni tih lam hi min hriatpui ve a ngai a ni, tih kha ka'n sawi duh a.

Tin, Metropolitan kha a la hma lutuk deuh lo maw, hetiang police han neih te chu mi nuai 10 awrh emaw chauh kan ni a. Amaherawh chu a hma lam pang zel a dan hi chu a mawih ve dawn lova, he ti hian kan buai reng dawn lova. Thangthar lo la kal zel turte tan a chhe lai deuh a awm anih pawhin tuaihnum chhoh leh zel tur atan kan han buatsaih a ni tih kha ka sawi duh a. Tin VDP hi rambuai zual lai te kha chuan Police anghchungah, khuahkhirhna hnuaiyah din a ni a. Torch light te, tiang te, raincoat te, eng engemaw te an supply ve thin a. Thawkkhat deuh lai atang khan VDP te hi kan ti thi deuh ti tih a, heng Bill-ah hian a rawn chuang leh thlap mai a; chuvangin, tunah chuan Police kan chakna chu heng NGO te remhriatna te, an thawhrimna te, an thawh hahna te a ni a. Chutiang anga NGO naran mai nilova, tlema thuneihna te nei ve thei, Police te nena inzawm tha tak kha khaw tina kan han din leh theih phei chuan kan ram remna leh muanna kan tih te pawh hi min venhimpui tha zawk turah kan ngai a ni.

Nichina ka sawi tak ang khan ACR ziak te hi chu he Bill ah hian tel rih lo mahsela a rules-in a rawn keng tel mai dawn a. Khangah khan lo hre thiam turin kan member zahawmtak takte ka ngen a. Tin, SP te hi Commandant te nen district-a SP thuhnuaia awm tura an han awm khan harsatnate a awm ang em, Rank thuhmun an ni si a, tih te kha a awm a. Tunah pawh hian kan awm dan chu a ni tho a. SP hi thuneihna sang tak a nei a, Law and Order chungchangah pawh Commandant-ten an nawm an makin an police te, an nau te an tir mai thei lova. Khatiang khan SP in chutah khatah police i rawn dah tur a ni, an ti a, chutiang hnuaiyah awm tho chu kan ni a. Hengah hian harsatna kan nei lovang tih ka han sawi duh a.

A tawp ber atan chuan training zo tawh kan police-te, chhawr, la awm reng anga han sawilan te pawh kha a awm a, hei hi a pawi khawp mai a. Kan police hi angkhat rual teh meuh an ni ve a, kan officer-te hi hmun hrang hranga awm an ni a. Thenkhat mi tha tak, tih tawh loh tur kan tih hnu a tih loh tur a ni tih lekkawh thak mai ngam an awm lai hian tlema lo pamham ve deuh te pawh an awm a ni. Chungah te chuan kan han luh tirh atang khan a lian lian atangin kan han tan a. Kan Home Secretary te khan an lovah engemaw zat an lo la chhawr a, tih tawh loh tur a ni kan tih hnu khan. Chutiang chuan commandant ka phone a, motor vawiinah khan an tir nghal a. Sairang lama an huanah “i sipai te hi mi pasarih pariat lai ila dah niin kan hria a, chumi khami loah chuan, zuk phur chhuak nghal rawh kan ti a”, an zu phur chhuak nghal a. A hnu khan inbiak pawh nuam an ti lo rum rum emaw ni aw ka ti deuh a, chumi hnuah kan police officer lian ber ber te dawttu, explanation kan call leh a, Home Guard te engemawzat a loah a la chhawr reng thin a ni tih mi rinawm takin min rawn hrilh a, explanation kan call a. An buai an buai a, a hnu lamah pawh kan DGP hian a chhawr thin a ni an ti a. Amah ka phone a, a lo awm lo va, an nuin an chhawr loh dan te min hrilh a, chu chu ka en tir a, an lo chhawr tawh lova. Amaherawh chu mite mit an lo tihmim zual lai

kha chu, in an lo sak laia engemaw cement an va unload pui zawk te, brick an lo unload pui lawk te a ni a, khang kha chu pawl kan ti lo a ni.

Tin, kan DGP te hi chuan an mahni a a tula an hman tur mi pali lai hi an chhawr thei hrim hrim a. Tin, SP hnuai lam te pawhin chu chu a ni tho a. Khatiang kha kan thuneihna phak a ni tawh lova, a awm chin kha chu kan officer-te hian an hria ang a. Chutiang hnuah chuan kan DGP hian sorkar-in tih tur leh tih loh tur kan tih hi chu theihtawpin dan hi a lek kawh a. A hnuai ami te pawh hian an zawm tha hlein ka hria a, lawmawm pawh ka ti a. Hmanni lawkah khan SP pakhatin a teak a lak tir a, a hnukhawm tir ruih ruih mai hei an ti a. Chu chu kan CID lam te chhui vat turin ka ti a, amaherawhchu an lo awm lova. An han chhuiah chuan nikhat/ni hnih vel an lo zu pui zawk a ni an ti, chu chu a ni mai a.

Tunhma anga kan duh loh thin a thla thla, a kum kum , lo lamah te an chhawr a, huanah te, loah te, dilah te, lungchherah te, in saah te an lo hmang thin ang kha tunah hi chuan a bo viau tawhin ka hria a. Kan MLA zahawmtak takte pawhin heng dan hi kan lek kawh chhoh theih zelna atan hian min puih kan ngai a ni. In hriat chuan khawngaih takin phone pawhin, engti kawng pawhin chiang deuhin min hrilh a, heng ang hi chu tih loh tur a ni kan tih hi chu, keini Home Deptt. berin kan tih luh chuan midang sorkar hnathawkte khuahkhirh tur dang an awmin kan hrelowa. Chutiang chuan kan han thawk chho ve zel a ni. Pu Speaker, he ‘The Mizoram Police Bill’ hi min pass-pui turin ka han sawm che u a ni. Ka lawm e.

S P E A K E R : Awle, Bill neituin pass a rawn dil a, kan buk ang a, ‘The Mizoram Police Bill, 2011’ kha nia, Parliament lama khunkhan deuha an tih anga a Bill a kha Clause by Clause diat diat an tih ang khan kan ti lova. A za vaiin a sawituten kan phok sawi a. Amaherawh chu a sawituten chuti lai clause kha, chuti lai chapter kha, kan ti zel tho a, a tha tho a. Tunah chuan a pass lamah khan vendor Bill ang maia kal lovin Bill pangngai pass ang deuhin in kal dawn teh ang.

Tunah clause 3-157 na, Bill Body hi pass remti apiangin, “rem ti” ti ru le. Remti lo kan awm chuan “remti lo” ti ru le. Remti lo kan awm lo maw? Awle, clause 3-157 na, Body of the Bill hi House-in lungrual takin a pass a ni. Hei hi Bill-a tel a ni. Clause 1, short title leh commencement leh clause 2, definition hi pass rem ti apiangin “rem ti” ti rawh u le. Remti lo kan awm chuan “remti lo” ti ula. Awm lo maw? Aw le, clause 1, short title leh commencement leh clause 2, definition hi House in lungrual takin a pass a ni. Hei hi Bill a tel a ni. Tunah chuan Preamble leh Exacting Formula hi pass rem ti apiangin “rem ti” ti rawh u le. Remti lo kan awm chuan “remti lo” ti ula. Aw le, kan awm lo va, Preamble leh Exacting Formula hi House-in lungrual takin a pass a ni. Tunah chuan House-in lungrual takin ‘The Mizoram Police Bill, 2011’ a pass ta a ni.

Pu R. LALZIRLIANA, MINISTER : Pu Speaker, ka lawm e.

S P E A K E R : Legislation Business dangah kan lo kal leh ang a. Pu Lalsawta, Minister zahawmtakin “The Mizoram Board of School Education (Amendment) Bill, 2011” hi House-ah introduce rawn dil rawh se. I lo ko ang.

Pu LALSAWTA, MINISTER : Pu Speaker, Mizoram Governor recommendation ang leh i phalna leh House remtihain “The Mizoram Board of School Education (Amendment) Bill, 2011” hi he House zahawmtakah hian introduce ka dil e.

S P E A K E R : Minister zahawmtakin introduce a rawn dil a, kan phalsak em ? Phalsak maw. Awle, Bill kha rawn introduce sela, chumi rualin rawn move nghal mai sela, ilo ko ang.

Pu LALSAWTA, MINISTER : Pu Speaker, “The Mizoram Board of School Education (Amendment) Bill, 2011” hi ka rawn chhawpchuak a. Member zahawmtak takten a Bill body kha chu an lo dawng vek tawh a, Principal Act kha an dawng tawh bawk a. Chu chu he House zahawmtakah hian sawiho turin ka han chhawpchuak a. Tin, i remtihain ka han chhawpchuah tak hnu khan kan sawi hawng nghal mai ang a.

He “The Mizoram Board of School Education (Amendment) Bill, 2011” in a tum ber hi chu kum 2009 khan sorkar tharin Mizoramah hian zirna Education hi tha lehzuala kan kalpui theih nan Education Reforms Commission a buatsaih chho a. Chu mite chuan kum khat dawn an han zir chian a, Mizoram khaw hrang hrangte an tlawh a, uluk taka an han bih chian a an recommendation te zingah Mizoram Board of School Education hi an han luh chilh chuan hengte pawh hi tihdanglam a ngai a nih hi. Tin, SCERT te nen pawh an relation-te pawh tihdanglam a ngai a nih hi tiin ngaihnan felfai tak an nei a. An recommendation phak 164 naah hian chutiang chuan an rawn zia a. Kan hriat theuh angin Mizoram Board of School Education (MBSE) ah hian tunhma atangin mitha tak tak, mitling tak tak, mithiam tak takten dinhmun pawimawh tak tak lo chelhin vawiin thlengin an la awm chho zar zar a. Anni hian an hna chu zirna lama Curriculum development chungchange, examination conduct leh khang buatsaih zawng zawng te a ni a. Tin, Mizorana education quality tha taka a kal theihna tur atana hmalakna hi an hna pawimawh lian berte zing ami a ni a. Chutichuan, kan sawi mek ang khan Education Reforms Commission khan hun thar chho te a lo nih ve zel avang hian hengah hian tuna in Chairman ang tur hi tlemin tun ai hian thet zau deuh tawh ula, tuna in awmdanah hi chuan a ni thei hi a zim em mai a, tiin rawtna a siam a. Search Committee-te pawh buatsaih ni se, chung Search Committee-te chuan an ngaihtuah theihna turin tih kha Pu Speaker, recommendation zingah khan a tel a. Chutah chuan Search Committee- ten an han zawn dawn kha chuan kan han inhawn zau a, tu tu te nge ni ang tihah khan a thlan tur a kha zau a ngai ve ta a. Chu tak chu he House-a vawiina kan rawn pharh chhan chu a ni ta a. A Principal Act kan han thawnah khan a chhhah angreng a, a zawn hmuh pawh a har a. Mahse, a awlsam zawng chuan a phak tawp ber dawttuah khan amended angin a awm a, section 15 na-ah khan. Kha mi Section 15-na kha kum 2008 a Amendment a ni a. Chutah chuan President tih thin te pawh kha Chairman tih te a lo ni ta a. Tin, Chairman ni thei turte qualification te pawh kha a rawn sawi a.

Pu Speaker, helai hi i phalnain ka'n chhiar lawk ang a, a chian zawk nan. Tuna kan hman mekah hi chuan Chairman ni thei tur atan chuan 'The Chairman shall be a full time officer appointed by the Government on terms and conditions laid down by the Government' a ti a. Chutah chuan 'provided that a person to be appointed as Chairman shall be at least a Master degree holder with a professional degree from a recognized University and also must have at least 20 years of experience in the field of School Education out of which at least 5 years shall be in educational administration or Board in the rank or status of Junior Administrative Grade or above under the State Government' a ti a. Chutah chuan provided pahnihna a awm leh a. 'Provided that a person so appointed as Chairman shall hold office for a maximum period of 6 years or till his attaining 62 years of age whichever is earlier depending upon the satisfaction of the Government regarding his or her performance' a ti a. Khang kha tuna kan nih mek dan chu a ni a.

Mahse, kan sawi tawh ang khan Education Reforms Commission khan hetiang hian lo thlir zau ta ula, a tih tak avang khan thlir zau dawn chuan midang zawk deuh te pawh hmun hrang hrang ami te pawh qualify ve tura kan buatsaih kha a ngai ta a. Chuvang chuan, waviina he House zahawmtaka ka rawn putluch chhan tak ber chu a pan zawk teah khan hetiang hian amendment siam ta ila kan ti kha a ni a. Chutah chuan tuna ka han chhiar chhuah lai tak Section 15-na kha he Clause 15-na hian rawn luahlan ta sela, chutiang chuan a dang kha chu a ngai vek a. Chutah chuan provided tih atang khan 'Provided that a person so appointed as Chairman shall fulfill anyone of the following eligibility criteria namely' a ti a. (a) na-ah chuan All India Service emaw, Central Service Group 'A' a miin the Junior Administrative Grade (JAG) chu mi ang chin emaw a aia chung emaw khatiang kha serving emaw pension tawh, chawl tawh emaw kang zing ami kha ni thei hram se, All India Service emaw Central Service Group 'A' JAG rank ami emaw chung aia sang hret pawh a ti a. Chutiang bakah chuan hei hi qualification awm leh tur chu a ni a. (b)-naah—he should be a serving or retired officer of the Mizoram Civil Service or Mizoram Secretariat Service in the Selection Grade or above a ti a. Hei hi MCS emaw MSS kan tih Mizoram Secretariat Service, mahse an hna kha Selection Grade aia hniam lo ni hram se, hengte hi a thawk mek emaw pension tawh emaw a ti a. Tin, duhthlan leh tur la awm thei chu a pathumnaah chuan (c)-naah—he must be a Doctor of Philosophy, Ph.D and must have atleast 15 years experience in imparting education a ti a, chu chu doctorate degree nei a ni ang a, kum 15 tal hi education zirna pek chungchanga lo inhmang tawh a ni tur a ni tih a ni a. Tin, a provision-ah chuan hetiang Chairman appoint hi appoint atanga kum 6 aia rei thawk tur a ni lo vang a; tin, kum 6 aia rei kha a thawk tur a ni lo vang kan tih rual khan amah kha kum 65 khami chhunga a lo tlin hman kha chuan kum 6 thawk tling kher lo khan a chawlh a ngai dawn a. Chuvangin, kum 65 a ni emaw kum 6 a thawh emaw khami a hma zawk zawk a thlen chiah khan a thawh theih chin a tawp dawn tihna a ni. Chu chu tuna kan han chhawpchuah duh chu a ni a.

Tin, amah kha qualification te tha tak pawhin ti mahsela a performance kha sorkarin a thunun ve theihna chin a nei dawn a, qualification tha tak tak tling tak tak, pawh neiin amah pawh kha lungsi takin lo appoint mahsela a thut hmuna an thut a, a hnathawh dan azirah khan Sorkarin a hnathawhna nitin enin a that loh chuan khami hma pawh khan a titawp thei ang tih a ni a. Heng kan han chhawpchuahah hian Pu Speaker, a hma lamah te nimin lamah te pawh kan sawi fo tawh ang khan a famkim tawh lo viau mai thei a. Tin, heta mi, a bik takin

Doctorate degree a nei tur a ni a, kum 15 chhung zirna lamah a lo inhmang tawh tur a ni tih te pawh hi a famkim tawh lo deuh chuan kan hria a, tlai khawhnu hian kan theih ang tawka kan han tih a ni chungin bill te a luh tawh hnuah mi thiam thenkhatte pawhin henge te hi chu an rawn sawisel ti mai ang, rawtna tha tak takte an rawn ti a. Mahse kan sawi fo tawh angin he House hi rorelna hmun a ni a, chutah chuan kan la rawn kal fo ang a, kan awm loh hnuah pawh an la rawn kal fo ang a, chuvangin, a famkim tawh lo tih chu ka hria a; tin, development kalchho zelah, thiamna lo sang zelah te pawh waviina kan han chhawpchuah ang hi a lo tha tawh lo ve mai thei a. Mahse chuti chung chuan tuna kan han thlir phak chinah leh kan ramin a tlin chinah leh Mizote thiam dan pawhin a phak tawh te kan han ngaihtuah hi chuan tuna amendment kan rawn chhawpchuah ang hi ti ila, tichuan kum sawm, sawmhni ang te chu a daih ve thei mai ang a, a tul tak leh tihdanglam leh theih tho a nia tiin hei hi ka rawn chhawpchuak a.

Tin, Pu Speaker, education chungchangah leh waviina Board chairman atana qualification thar kan han chhawpchuah a House zahawmtakin pass tura ka han ngen rual hian han sawi tel ka duh Chu Mizoramah hian education hi kan tih theih mai, kan banphak reng, kan ram tana kan awlsam theih em em nia kan hriat tlat avang leh Mizote hi hetiang lamah hian kan tha tawh hlea kan hriat avangin education reforms te pawh hi kan buatsaih a. Chutiang anih lai chuan min ti el duh leh min hmusit duh tan te phei chuan hmuhsitawm takin hlawh pawh kan inpe hleithei lo tih tlanghriat a ni a. Mahse Pu Speaker, hetah hian ka sawi duh chu keini hian kha lampang kha chuti takin kan rilru tibuaitu a ni lem lova, zirnaah hi chuan a pawimawh lai ber hi chu a kalphung, a system siamrem hian sikul chhe te te ah pawh, zirtirtu tlabal tak takah te pawh hian mi thiam tak tak hi an chherchhuak a ni tih kan hriat avangin a system leh keimahni a organization-te hi tihthat hi kan ngaipawimawh em em a, House Leader zahawmtak, kan Chief Minister zahawmtak hian education hi Mizote asset ropui a ni tih a hriatchian avangin a hniam lamah Pre-Primary atanga Primary, Middle, High School, Higher Secondary, College, University chung zawng zawng leh technical study zawng zawng Polytechnic kan tih te, Medical lama mi te, Engineering zawng zawng te, waviinah phei chuan I.T. kan tih ang chi Information Technology ang te a ngaipawimawh em em a. Chung avang chuan he House-ah hian tuna kan Dan neih hian a tlin thin loh avang leh a lo huam thin loh avangin kan sorkar ve chhung na na na chuan kan Dan neih te hi kan rawn pharh sek ang a, tihdanglam a ngai sek dawn tih pawh kan member zahawmtakte hian min hriat sak ka duh a. A chhan chu hma lampang kal dawn chuan Dan hmanga engkim tih a nih avangin kan Dante hian min funkhawm tawh lo va, thiamna thar lo awm te pawh hi a tawh loh thin em avangin kha kha duhthawh thilah ka'n sawi a. Chutichuan he "The Mizoram Board of School Education Amendment Bill, 2011" chairman lo awm zel turte tana qualification sang zawk leh tha zawk tur kan han chhawpchuah hi he House zahawmtak hian he amendment hi min pawmpuia min pass-pui turin ka ngen bawh a ni, ka lawm e.

S P E A K E R : Awle, Bill neituin bengvarthlak takin Bill a rawn present a, siamthat ngai a lo nih dan te zawng zawng pawh a rawn sawi a. Theological education-ah hian Mizo hi kan hmingtha viau a. Kan Theological College chhuakte pawh hi hmun dangah pawh hian rawih tlakah an ngai viau a. Mahse, engatinge kan secular college te

leh kan secular school chhuakte hi hralh an tlak mang si loh tih lai hi kei chuan ka ngaihtuah fote zing ami a ni ve a. Tanlak dan hi chu kan zawn tlan a ngai a ni. Tunah sawihona kan lo nei ang a. Minute 5 han inpe leh ilangin. Pu T.T. Zothansanga khan a phar tawh a, han sawi hmasa sela.

Pu T.T. ZOTHANSANGA : Pu Speaker, ka lawm e. Hei, vawiinah kan Minister zahawmtakin Amendment a rawn tihchhuah hi a lawmawm ka ti khawp mai a. Hnam naupang deuh mai kan la ni a. UT kan han ni a, state-te kan han ni chho a, dan leh hrai lamah hian kan chak lo khawp mai a. Dan lama kan senior berte pawh kan hmuhphak vek hi an la ni a. Chuvang chuan, kan dante hi ennawn chhoh ennawn chhoha tihthat te pawh hi a ngai a. Vawiina kan Minister-in a rawn tih hi department hrang hrangte hmahruaitu ni se ka duh khawp mai a. Mizorama kan department hrang hrangte kan en chuan anmahni service rule, an hamthat theihna tur ang zawnga inhung engemaw zat hi hei lo hi a awm a ni. Tam tak hi a awm a. Chumi avang chuan vawiinah kan Minister-in remhre taka hetiang a rawn tichhuak hi a lawmawm ka ti a. Department chauh lo chuan a top post hi neih theih loh ang deuh hiala lo ngaih theih tur hi department hrang hrangah hian an awm a ni tih kha ka'n sawi duh a.

Hei, tuna kan khel mekah pawh hian a department-te an lo chho an lo chho thin a, kawngka i hawng zau deuh ang tiin kan Minister zahawmtakin a rawn move a ni a, a lawmawm ka ti a. Chutih rual erawh chuan, tlema han siamrem deuh hlek ngai a awmin ka hria a. Amendment Section 15 (a) kha chu ka pawm nghal thlap mai a, ti mai ang, ka pawm leh pawm loh ni lovin ka ngaihdan ka han sawi dawn a ni a. "He should be a retiring officer of All India Service or Central Service Group 'A' in the Junior Administrative Grade or above" – kha kha chu a dikthlap mai a ni, lal hla ang mai a ni.

Tin, a phnihna, (b) He should be a serving or retired officer of Mizoram Civil Service–hei pawh hi a dik ka la ti khawp mai a, tha ka ti a. Helaia All Mizoram Secretariat Service tih kher hi a ngai tawh em aw ka ti a. Kawngka hi kan hawn zau lutuk chuan mihringte hi kan fel tawh nasa mai a, mahni huang lo lamah pawh nihna va neih hi kan duh deuh vek mai a. Helaia Secretariat Service lai tak hi chuan ka mit a timim deuh a ni. Kha kha min lo chhinchhiah sak sela kan Minister zahawmtak khan. Tin, (c)-ah khan 'He must be a Doctor of Philosophy(PhD) and must have at least 15 years experience in imparting education'– han en thuak hi chuan a tha khawp mai a. Ph.D, zirna lamah kum 15 lo inhmang tawh tih mai khan a fel deuh thluam mai a ni. Amaherawhchu, tunlai hian zir hian tawpin tai a nei lova, High School zirtirtuah mi lo tang sela, kum 12, 13 te lo ni sela, a 14/15 na velah PhD han hmu ta kauh mai sela, tah hi chuan a qualify ang deuh mai kha a ni dawn a. Chuvangin, khami dal si lo khan khami a service pangngaia a han chhoh zar zar khan belh duh ka nei ta a, 'education' tih zawhah khan 'not below the rank and status of Selection Grade under the Government of Mizoram' tih kha ni tel deuh kher se ka duh a ni. Ph.D pawh nise, 15yrs pawh nisela heta a service pangngaiah pawh khan not below the rank and status of Selection Grade under the Mizoram Government. Khami kha a nih chuan tuma tan han thikna leh va engemaw tur kha a awm dawn lova, khalai te kha han siam rem kha tha ka ti khawp mai a.

Tin, chu bakah Pu Speaker, Clause pakhat han telh leh ka duh a ni. A chhan chu hemi a pathum kan han en ngau ngau hi chuan Department-a lo senior

tawh tak takte hi a dang vek a ni. Department-a mi senior leh lo thawk hah leh a neitu ni a in hria, Zoram education-ah hian mawh ka phur a ni ti chi ho kha Board-ah hian an Chairman thei dawn miah lo. Chumi avang chuan Clause khat (d)-na hi siamthat leh tha ka ti a, siam fel leh tha ka ti a. Chumi siam fel leh ka duh danah chuan 'He should be a servant or retired officer in the field of education not below the rank and status of Selection Grade or above' khalai kha (d)-naah khan thun tel leh ta ila, tuna an ngaihndan maiah hi chuan hemi Amendment copy ngau ngauah hi chuan kawngka zau takin kan hawng a, a Department, a neitu tak takte luhna kawng hi a ping tlat mai a ni. Khalai te kha in hawn belh leh ila, tichuan tute pawh kha a tha kha Sorkar khan a la tawh mai dawn a ni a, khalai kha kan member-te pawh khan min lo hriatpui sela; a Department ho, a neitu tak tak te hi an ngui nghiai ang tih te pawh ka hlau ve tlat a ni. A chhan chu Sorkar ah hian kum 15 vel ka thawk ve tawh a, mahni line hi kan en ve nasa thin khawp mai a, a en tak taktu tura kan ngaih helaiah an lo thu pha chiah silo a, khatiang khan thil awm thei niin ka hria a. Chuvang chuan 'a serving or a retiring officer in the field of education not below the rank and status of Selection Grade' awm ve se tihnaah khan tha ka ti khawp mai. Tichuan, Pu Speaker, nimina kan han sawiho thin ang deuh hlek khan helai hi sawihona hun a la ni tho a, khatiang khan remchang takin min lo tihtel sak theih kha ka'n beisei a, beisei chungin ka'n support a ni e. Ka lawm e.

S P E A K E R : Le, Pu C. Ramhluna.

Pu C. RAMHLUNA : Vawiina kan Bill hi a tul ngang chu a ni ang a, tahchuan ka'n sawi duh chu hei chen hi kan kal tawh a, Chairman hi a tute mah hi an function leh an performance-ah hian complaint hi ala awm vak lova, chuti chung chuan Education Reform Commission khan hetiang zawnga kal tura a tih tak avangin kan han kal dawn chu a ni a. Engpawh chu nise, hetiang kawngka zau puia han inhawng hi Sorkarin tul a ti a nih chuan keini pawhin helam atang pawhin kan thlawp lo thei lo a. Mahse chutih lai chuan ka'n sawi tel duh chu, nichina ka hma a miin a sawi tak ang khan, hei Chairman han ni thei tur ho list hi category pathum (3) a rawn sawi a 'a serving or retired officer of the All India Services.....or Central Civil Services-in the JAG' tih te a ni a. Tin, MCS leh MMS te a rawn sawi a, Ph.D 15yrs service, teaching experience nei tawh te kha a rawn ti a. Khalai kha ka'n sawi duh tak chu a Board-a awm hote tan hian chance a awm lo hle mai a ni tih kha nichinah ka hma ami rawn sawi kha ka thlawp a, a chhan chu Department-ah rei tak an lo thawk tawh a; tin, tunhma zawng zawng pawhin anni ho kha an chho ve tawh thin kha a ni a, chumi chung chuan Chairman-te an nih khan engmah sawiselna a awm lo kha a ni a, Chiarman an nih chhung kha an that lohna leh an fel lohna an hre bawk si lo laia anni ho han chhawk ta vek mai a, Ph.D an nih kher kher lo ngai ta bawk si laite kha hriatthiam harsa deuh hlek awm niin ka hria a. Chuvang chuan anmahni board-a awm hote tan khan chance neih ve dan kha awm ta sela tih ka rilruah khan a awm deuh hlek a, chu chu ka han sawi tel duh a. Hei hian thil pakhat a tihbuaina tur a awm a, entirnan High School zirtirtute pawh qualified deuh, kum 15 service laia Ph.D lo hmute kha an awm dawn ta a, sorkarin a appoint anga, chairman anih chuan tunhma a an pute thin chungah khan an thu tlat thei mai a, chuvang chuan anni

hote tana Scope awm si lo Ph.D. nih tak avanga scope lo awm ta te pawh kha kan en chu a tul awm mange aw ka ti a, kha kha ka sawi duh a ni.

A dang lehah chuan All India Service Officer leh Central Civil Service Group 'A' pawh ni ta ang sela JAG ringawt hi chu academic institution anih avangin helai hi chu a hniam deuh hlekin ka hria a; entirnan JAG hi kum 9-ah IAS pawh nisela, an kal thei ta a, kum 9 service kha Chairman of the MBSE ah va kal ta ang se, experience a nei lo hle ang a, Deputy Secretary level a ni mai dawn a, khamiin academic institution lian ber mai a va enkawl tur kha a hniam deuhin ka hria a, churang chuan All India Service Officer pawh ni se, Central Civil Service pawh nise duhthusamah chuan Selection Grade-te ni thei sela thain ka hria a, chumi anih chuan Government of Mizoramah chuan Secretary hnate pawh kha a lo chelh ve tawh ang a, khami experience nena chairman-a a va luh kha chu engnge maw chenah chuan a board hrim hrim status pawh kha a va tisang ang a, ama experience kha chhawrnaawm tak kha ava ni thei dawnin ka ring a, churang chuan JAG hi chu nilovin Selection Grade hi ni thei sela, kum 14-ah Selection Grade-ah khan a kal thei a, khami kha chu a awm viauin ka hria a, 9 years of service-a chairman a va kal ringawt ang kha chu ni lo thei deuh ta se a tha lawm ni aw tih kha ka rilruah khan a awm a, chu chu ka han sawi duh a nih chu.

Tin, a dang lehah chuan a tu a te pawh lo ni ta ang se, MCS pawh lo ni ta ang sela, AICS, All India Service Officer pawh lo ni ta sela, Central Civil Service Group 'A' pawh lo ni ta sela, academic institution anih avangin an qualification hi en tel atan a tha riauin ka hria. A chhan chu B.A. ringawt te, B.Sc ringawt te kha IAS an ni thei tlat a ni. Mahsela, hemi hi chu academic institution anih avangin a qualification-ah khan Master degree holder tal ni thei sela a thain ka hria a. A chhan chu a hnuaiah khanin mithiam pui pui kha an awm fur dawn si a, IAS ka ni emaw, ka ni lo emaw tunlaih chuan thiamna hi mi hian an en lo thei si lova, qualification hi lehlahmah chuan khami lai taka kha kan venpui a ngai deuh em aw ka ti a. IAS pawh nisela, CCS pawh ni ta sela, tin MCS pawh ni ta sela, a qualification-ah khan at least Master degree holder ni thei sela, minimum-ah chuan engngemaw chen kha weightage a neih kha ka ring tlat a, chulai tak chu telh theih a ni ang em aw tih ka rilruah a awm deuh hlek a. Chu chu ka'n rawt duh nghe nghe a, a har pawh a har lutuk lo maithei a. Hemi hi tih anih chuan, All India Service, Central Civil Service, Group 'A' Master degree emaw ti khan a dah theih mai dawnin ka ring a. Tiang kha ni thei sela chuan awmzia a nei deuhin ka ring a. Chu chu Pu Speaker, ka han rawt tel duh a ni.

Thil pakhat lehah chuan Education Reform Commission-in hemi procedure a rawn tihah pawh hian han en khan Search Committee or MPSC tih kha a ni a. Tunah hian Search Committee chauh kha a selection procedure kha a rawn sawi ta a. Helai hi politicalised theih a ni awm mange aw tih ka ngaihtuahnaah a tel deuh hlek a. Churang chuan hemiah pawh hian 'either' in kal ta sela. Tin, a reng reng thuah Education Reform Commission khan khatiang khan a rawn recommend kha a ni a, kan pawm ta a. A selection procedure kha a Act-ah hian kan telh leh si loh chuan executive order ang khan a lo kal dawn ta tihna emaw a ni ta ang a. Churang chuan a Act-ah hrim hrim khan tuna kan Amend-naah hian a selection procedure pawh hi a tel ve nghal thei lo'm ni tih lai kha ka han dinchhan pakhat a ni bawk e.

Dr. R. LALTHANGLIANA : Pu Speaker, ka lawm e. Vawiina kan Amendment Bill hi a pawimawh viau mai a. Kan ngaihthlak tawh ang khan Mizoramah tunhma chuan hming hi Board Chairman kan ti ngai chiah lova, MBSE President ti khan kan lam mai thin a. Amaherawhchu hei, tunhnaiah Chairman tiin kan han dah ta a ni a. Engpawh ni sela, ka sawi duh lai chu, Pu Speaker, a post hrim hrim lai kha kan ngaihtuah lai khan thil pawimawh deuh mai awm chu engnge ni a tih tur tih lai tak hi a pawimawh lai niin ka hria. MBSE hi a pawimawh em em mai a. Hei, tun dinhmunah pheih chuan an mawhphurhna hi a lian em em mai a. Khami handle tur atan chuan mi engemaw deuh bik chu a ngai hrim hrim a ni tih hi a chiangin ka hria a. Chuvang chuan he Bill kan sawi lai hian mawhphurhna a ken tur, a hna hi he House-ah hian kan chian sak thain ka hria a.

Pakhatnaah chuan, Curriculum Development hi a ken a ni a, a pawimawh em em mai a. Curriculum Development chu kan hre deuh thei mai ang a, Curriculum duangtu tur, khata a chhip lera thu tura kha a ni tih lai kha chiang leh ta phawt ila tih ka'n sawi duh a ni. Pahnihnaah chuan, zirna standard hi ka ngaipawimawh em em a, quality of education, chumi avang chuan Education Reform Commission-te pawn tiang hian hma an han la chho a, Report-te an pe a, an theh lut tawh niin kan hria a. Hemi chungchangah hian School ti thalo ho pawh hi kan Board lam atang hian affiliation pek an nih leh nih loh zawng zawng kha quality drive-na tur atan khan a endiktu tur an nihna lai a awm a. Kan hunlai pawh khan, thenkhatah High School nil thak, Matric exam nil thak an awm a ni. Khang hun lai pawh khan kan president pawh kha tlawmngaiin va ti hram hram teh kan ti a, Chhim kilkhawr tak takah te a va kal a, a sawt pawh a sawt a ni. Khatianga High School a va tlawh a, Higher Secondary School a va thlawh khan tlema interaction nei thei tur mihring te kha a ngai a, khangte kha kan rilruah awm ta sela. Tin, curriculum siam hian Mizoram chhung ringawt hi a ni ta miah lo a. National Level-ah NCRP lo awm a, National level tak tak, a pawimawh em em mai a, hei hi Central sawrkarah pawh Ministry of Human Resource Development-in an buaipui em em mai hi a tling, khangah khan engemaw academic-ah discussion leh interaction a awm khan, helaia kan han pawh a te kha khulamah khan an tlak em tih te kha ngaihtuah tel a ngai a. Ka sawi zawk chu qualification ka rawn sawisel dawn hran lo a, amaherawhchu heng zawng zawng hi kan ngaituahnaah hian House-ah hian kan dah ve kha thain ka hria a, ka'n sawi tel a.

Tin, pathumnaah chuan examination zawng zawng hi Mizoramah hian an conduct chu a ni deuh vek mai a, Board ten, hei hi rinai hian a technical a. Amaherawhchu kawng lehlamah kan vannei a, exam chungchangah hian Rules tha angreng tak mai kan nei a, khami hmang kha chuan tikhan kan kalchho ve thei zel a. Amaherawhchu, from time to time-ah thil enchho ngai hian eng emaw academic-a tui mi leh helama experience nei mihring hi chu a ngai hrim hrim a ni tih kha ka'n sawi duh mai a ni.

Qualification chungchangah khan tuna kan amendmend chungchangah khan option 3 a lo lang ta a. Nichina kan member zahawmtak Pu T.T Zothansanga sawi kha a dik viau na lai a awm a. Thil hi open taka kan han tih lai khan, hemi han draft-tu te pawh hian hmuh kimloh an nei te pawh a ni ve mai thei a. A thawklai mek, school education lama mite tana han luhna tur ang provision kha a ping angreng khawp mai a. A nihna takah pheih chuan ka hriatsual loh pheih chuan tun, as on today, ah pheih chuan Doctorate degree ang hi an awmlo maithei a ni, School Education Department-ah pheih chuan. Kha khan a dang char angreng viau mai a, ka hresual maithei a. Kha kha tlema kan ngaituahnaah awm tel sela tha ka tih lai deuh a ni a. Tin, All India Service te, Central Civil Service te hi kan telh dawn a

nih pawhin leh Mizoram Civil Service tih te kan telh dawn a nih pawh hian Education-ah hian background an neih that loh chuan a fuh ka ring ngailo a ni. Hei Pu Speaker, kan lehkha zir lai M.A kan zir lai Mizoram University a la awm hmain Shillong-ah kan zir a, tah hian Vice- Chancellor kan nei lo a, kan han neih thar pakhat chu I.A.S officer kan nei a ni. Dr. B.D. Sharma a ni a, Doctorate degree kha ala a, academic lamah khan a tui em em mai a administration-ah a handle tha bawk si a, kan tifuh viauin ka hria. Khatih hunlai khan IAS ni tho si academic lama qualified tak, tui bawk si kha kan nei a, chu chuan nasa takin NEHU kan tih North Eastern Hill University pawh kha awmze neiin min kalpui ve theihna lai chin thil tam tak fel lona kar a awm vein ka hria a, khangte kha ka'n point out tel ve duh hrim hrim a.

State dangah pawh hian Board Chairman leh Board President kan tih kan sawi angah hian IAS retired te leh anmahni State Civil Service a mite pawh an dah ve tho alawm tih hi a awm a ni, an dahin ka hria a. Mahse, hemi an dah ruala an en uluk em em mai chu Board kher kherah hi chuan an educational background leh kha lamah khan engangin nge experience an neih a, an tui em tih lai hi ngaihtuah a ngaiin ka hria a. Chuvangin hemi option hrang hrang kan han siam rual hian nakina kan han thlan tak tak hunah hian ka sawi duh lai chu uluk a ngai a ni tih hi kan sorkar pawhin a hriat a tha hlein ka hria a. Chuvangin a tula amend a lo tul a nih pawhin a kum chungchangah pawh hian a hmaa kum 62 ni thin te kha kum 65-ah kan han phalsak ta a. Tin, a post ngai a kha kum 6 chhung a chelh anga, a bak erawh chu a chelh theilo ang tih a recruit te a awm a, a tha a khang kha chu. Mahse, heng a hnathawh tur hi kan siam nawn leh fo kha a thain ka hria a. Chutiang atana fit in tur a tana tha tur kha ngaihtuahna he roelna pawimawh tak mai kan thut mek lai hian kan ngaihtuahnaah lian hle sela tih kha ka duh thu ka'n tarlang a ni, ka lawm e.

Pu LALDUHOMA : Pu Speaker, ka lawm e, statement of object and reason han en hian MBSE Chairman post fillup-na atan hian Education Department a mi leh MBSE a thawkte tan chauh tih theih a nih avangin kawng i hawng zau deuh ang u tih hi arawn ziaak a, a pawmawm hle a. He statement-in a kawh chu Education Department mi leh MBSE a thawk lai te bakah hian kawng i hawng zau ang u, tih kha a kawka, mahse, Education Department-a thawkte leh MBSE-a thawkte tan khan kawng a khar leh daih si a, hei hi a diklo tlat a ni, belh chhahna tur angah kei chuan ka lo ngai a, hemite bakah hian heng hi i tihbelh ang u, mitha i zawng zau ang u, tihna ang a nih kha chuan a pawmawm zan mai a, mahse, a lo eligible tawh sa te han chhawk daih kha, a field a mite ber, a expert a te ber tel theihlohna bill a han ni ta tlat hi hriatthiam a har ka ti a ni. Section 15 amend tur lai hi first and second proviso te an ni a, section 15 sub-section 1 ah hian proviso hi pakhat chiah ka hmu a kei chuan. Hemi a Principle Act pawh hi ka han en hian pakhat chauh ka hmu tlat mai a kei chu, hei hi tihsual palh te a ni thei em? A awmsa te thaibova han telh loh tumna hi chu a Department thinlungah hian a lo awmlo palh lo maw, tihsual palh te hi a ni thei angem aw tih te hi min ngaihtuah tir a ni. Tuna alan danah hi chuan an telna tur lai kha zuk hmuh mai hi a har khawp mai. Hetiang a nih hi chuan waiting list amite kha an hnual rawih dawn a, a fuh vak awmlo mang e aw ka ti a, hei hi ngaihtuah that leh tha ka ti a. Chutiang engemaw fel hlel te a lo awm anih chuan Select Committee-ah te pawh han refer hrih khan dan tha zawk kan neihna a nih chuan a pawl lem dawn em ni tih te pawh kan sawi lang duh a ni.

Tin, Mizoram Education Reforms Commission Report and Recommendation atanga lo kal a ni tih kan hria a, chu chuan Search Committee din a rawn rawt tel a, Chairman tur ringawt mai kha kan Commission hian a rawn buaipui ta a, Chariman zawngtu tur Search Committee kha a Principle Act-ah hian ka hmu si lova, amendment-ah hian ka hmu baw si lova. Kan mi appoint turte hian enge an tih theih ang tih laiah hian kan tawp ringawt dawn em ni ? Kha mite appoint-tu tur zawngtu tur kha a Search Committee kha rawn telh ve law law awm a va ni ve. A Principle Act-ah te hian khawimaw laiah hian alo tawmru reng te alo nih chuan le thu dang a ni a. Ka'n thlir kual ngial thin a, a chuanna awm hi ka hmu zo lo a ni, Amendment-ah a rawn tel baw si lova. Chuvang chuan Search Committee-te pawh hi Reforms Commission Recommendation pawimawh tak hi telh si lova, a felhlelin ka'n hria a. Chungte pawh chu tel vek hian han tihthat leh hlek chu a la ngai a ni mai awm mang e aw ka ti a. Tin, Academic thil a ni a, Academician deuh chauh awmna tur anga kan han sawi hi chu ka pawm vek lem lova kei chu Pu Speaker.

Academician ho hi administrator tha tak an ni vek hauh lo. Chairman hi chu administrator tur a ni a, Engineering Department-a Secretary chu Engineer a ni tur a ni tih tlat deuh ang hi a ni a. Administrative post kha chu Engineer ho kha Engineer lo khan Administrator tha tak khan a ho khawm ve thei tho a ni. Chutiang chu a nih avangin All India Service leh Central Service amite zuk telh te hi chu a zawn zauna atan chuan a tha ka ti hrim hrim mai a. Helaiia Ph.D. kum 15 experience nei tih te pawh hi han tel ve atan hian a tha a, kum 15 experience nei nazawng kha tunlaiia Ph.D. English Medium a 3000, 4000 lek a thawkte an awm ve tho va, khang kha chu an eligible a ni mai a, select an ni ang tihna a ni kher lova, chuvang chuan a ve ve khan telh sela, helaiia service ami senior lo awm te huam thovin Department leh a field amite chhawk chuang lovin a vai khan kan zawn tur field-ah khan awm tlang sela, ngaihtuahna zau tak nei ila, a zawngtu tur kha Search Committee kha a Principle Act-ah hian tel ngei baw si sela, chutiang chuan kalpui law law a tha viau ang a.

Pu NIRUPAM CHAKMA : Pu Speaker, ka lawm e, tawite ka'n sawi ve teh ang. Hei a hmasa berah Bill 'to further attend the kha a double a, pakhat kha paih tur a ni em ? spelling kha a dik lova. Ka sawi tum ber chu nichina member zahawmtakin a sawi ang khan tuna Chairman post hi Education Department-a thawk lai leh Board-a thawk lai chauh tan he post hi hauh angin an lang ta a, midangin luh theihna chance kha an nei lo a ni. Chu chu Education Department-in a ngaimawh chhan chu a ni a, midang tan, mithiam dang tan kawngka hawn zauh kha recommend niin a lang tlat a. Chuvang chuan kan Minister zahawmtakin Education Reform Commission Recommendation zulzuiin he amendment House-a a pharh hi a tha ka ti a. Member zahawmtak takten tuna Education a thawk lai leh Board-a thawk laite tan luh theihna chance a awm lo ti zawngin an sawi a, dik pawh a dik mai thei a, mahse, (c)-naah khan hei 'must be a Doctor of Philosophy, should be Ph.D. and must have at least 15 years experience in imparting education' tih a kha chu dal lo niin ka hre tlat mai. He must be a Doctor of Philosophy (Ph.D) and must have at least 15 years of experience in imparting education, all provisional, chuan must be doctorate degree holder with a professional degree from a recognized University. Master Degree bakah, a Professional Degree, Professional degree te chu Law, LLB emaw, Doctor emaw, khatiang Charter recommend emaw, kha kha Professional Degree a ni. Master Degree bakah Professional Degree 20 years experience nei tur a ni a. Chutah out of 20 years at least 5 years

Education-a thawk tur a ni, Board-ah emaw thawk tur a ni tih kha a ni a. Chuvangin, tuna provision hi a zim lutuk a ni, midang tan luh theihna chance a awm lo, eng anga thiam pawh nise. Chuvang chuan, (c) he must be a Doctor of Philosophy (Ph.D) he must have at least 15 years of experience in imparting education bakah education administration kha tel sela, a huam vek dawn lawm ni? Imparting education 15 years leh education administration tihbelh sela, chutah tuna department-a thawklaite leh board-a thawklaite pawh an luh theihna chance tunhma aiin a awlsam zawk dawn a ni. Tunhma chuan 20 years experience a ngai a, another 5 years school-ah emaw board-ah emaw thawh a ngai a, chu chu Minister zahawmtak khan telhtir theih dan a ngaihtuah thei lawm ni tih kha ka sawi duh a ni e. Pu Speaker, ka lawm e.

S P E A K E R : Sawitur kan awm tawhlo a ni ang a. Ni e, a thenah hian 'it should be' a ti a, a thenah hian 'it must be' tepawh hi a ti a, must leh should tih pawh hi engeni chak zawk pawh hi ka hrethiam tawh lova. Engpawhnise, Minister han ko ila, Member te han sawi neuh neuhthe kha hrilhfiah tur a nei ang e. I lo ko ang, chuan pass pawhrawn dil nghal mai se a tha ang e.

Pu LALSAWTA, MINISTER : Pu Speaker, kan Member zahawmtak tak ten thahnemngai takin an rawn sawi hlawm a, kan ngaihtuah phak loh thlengte pawhin an rawn sawi belh zel a, a tha khawpin ka hria a, kan vei tlang a ni tih te pawh a Chiang a.

Tin, Education Reforms Commission-in a rawn recommend hrim hrim hi hetia amendment a rawn tih fai vek ngai chi pawh a ni lem lova. Tunah pawh khan thenkhat chuan Search Committee emaw MPSC emaw a ni tur a ni dawn lawm ni an rawn ti a, a dik khawp a. Amaherawhchu, hemi qualification laia midang tih theih miah loh tura a hma-a lo zim deuh kan tih ber hi kan thiat chuan khami a procedure kha chu keimahni pawh khan hemi a danina a prescribe emaw, a danin tihtur a tih ang kherlo pawh khan kan ti thei a. Zawm tur tamtak hi recommendation-ah hian an ziak teuh mai a, chung zawng zawng chu dan anga zuk tih vek ngai lemlo, kan dan neih mek pawhina a tlin loh pawha dan han siamthar ngai emaw, kan dan amend tul emaw a ni vek bik lemlo a, tamtak hi chu Rules awmsa atanga Rules-in a phak loh avanga a huam zau deuh hlek tura han siam ngai hret te emaw a ni mai a. Chuvang chuan, khang thahnemngaihna an rawn sawi zawng zawng kha ka lo note a.

Pu TT. Zothansanga, member zahawmtakin a rawn sawi, Mizoram Secretariat Service te hi chu telh kher a tul emawni le, hei hi chuan mit a timim deuh mang e aw, a han tih te pawh kha a ngaihtuah theih viau a. Amaherawhchu, Pu Speaker, Mizoram hian danglamna tak kan nei a, waviina keini ang rual te leh kan rual u deuh te leh keini aia nau deuh te pawh an ni ang a. Tin, hmun hrang hranga ding ram roreltute, a then officer lian te heng zawng zawng hi an zavai deuhthaw hian at one time or another a zirtirtu ni tawh deuh vek an ni tlat a ni. Chuvang chuan kan ramin dinhmun danglam deuh bik a neih avang emaw, kan harsat vang te emaw, kan khua awmdanin a zir vangte pawh a ni mai thei a, chung avangte chuan kan back ground-ah hian engemawti kawng zawng tal hi chuan education-a lo inhnawhniawih tawh leh helam panga tuivena chin deuh nei deuh vek hi an ni. Chuvangin Ministerial Service han pawng chhawk ngawt pawh kha, kum engemawzat

zirtirtu fel tak lo ni ve tawh, a career zawk atana helamah kan kal teh ang tia lo kalte pawh kha an awm ve thei tho a. Tin, anmahni individual qualification-ah te pawh master degree lo nei te, a thente pheih chu Ph.D degree lo neite pawh an ni ve thei tho a. Chung ang chu kan zuk zawna ni lovin, khang zingah khan an lo awm chuan thlan theih tura an lo intlar ve kha chu a pawina awmin kan hre chuang lova.

Chutiang zel chu a dang zawng zawngah pawh khan a ni a. Amaherawhchu kan member zahawmtakten an sawite zingah leh Pu Lalduhoma, kan member zahawmtak pawhin arawn sawi duh belhna chauh nisi, a duh belh tur a lo intlarsa han chhawk buai mai hi chu tih kha a valid khawp a. Amaherawhchu hei hi kan sawi fo thin ang khan amendment pakhat hi chuan engkim hi arawn chingfel zo lova, a tul a nih chuan kum 2/3 te emaw kan han hmang lauh lauh ang a, a tha tawk lo a nih hi mawle, helai hi kan lo tisual palh a nih hi, a thawkte zingah pawh hian tha deuh deuh mai an lo awm reng a, han tih turah khan chuan hnai taka inthutchilh vek kan nih avang hian tih theih loh tur hi engmah awmin ka hre lova, he House zahawmtak hna ber pakhat chu Dan siam a ni a. Chu Dan siam atan chuan inthlahrung miah lovin department hrang hrang leh private pawhin dan siam belh tur atan englai pawha inhawng reng a ni a. Chuvang chuan, khangte kha chu hei kan lo note a, mipui lam pawhin min hriat sak a, a department lam pawhin kan hria a; tin, a officer mal te te pawhin kan hria a, chuvang chuan vawiinah hi chuan kan duh ang chu kim biai lo mahse heti hian a nih ang ang hian kan member zahawmtakte hianin min han pass-pui phawt mai se tih hi kan sawi duh a.

Tin, Member zahawmtak Pu Ramhluna'n an individual qualification prescribe nise a tha mang e aw tih kha thil pawimawh tak a ni a, an hnathawh turte leh anmahni mimal thiamna kha IAS pawh nise, M.Phil te emaw an lo ni emaw, MA te an lo nih hrim hrim kha chu duhsak theih tur ang zingah chuan an tel tho tho a. Khatah khan anmahni kha kan zuk chhawk chuang lova, khatiang kha an lo awm hlauh kha chuan Search Committee emaw Mizoram Public Service Commission emaw khan e, hei Education Department-a thawk tur a nia a ni hi, hetiang qualification nei a ni bawksi a, a tha khawp ang tia ngaihtuahna an neih theihna tur atan khan engmah hi a khar chuang lo a ni Pu Speaker. Chuvangin, khang vawiina kan sawi zawng zawngte kha kan ngaihtuahna tizautu ni se. JAG hi a hniam deuh alawm mawle han tih angt pawh kha, a hniam deuh te pawh kha tha tak an lo awm a, qualified tha tak an ni bawksi a. An hniam deuh avanga han thlah kha a uiawm ve thei tho va. A sang deuh tha mangsilo lak te pawh kha kan hlau ve tho a ni tih kha House chuan min hriatpui ka beisei a. Chuvangin, nakinah a famkim tawklahna te chu kan larawn kal leh ang a. Chumi hma chuan tuna mi hi a nih ang ang hian he House zahawmtak hian min pass-pui se tih hi ka han dil a ni. Ka lawm e.

S P E A K E R : Awle, Member-ten kan ngaihawh kan sawi rik kha kan Minister-in a hre reng a. Tin, Dante chu a mamawh dan anga la tihdanglam zel theih a ni tih pawh a sawi chiang a. A duh ang khan, a nih ang ang khan pass-pui turin House min rawn ngen a. Tunah hian "The Mizoram Board of School Education (Amendment) Bill, 2011" hi pass remti apiangin 'remti' tiru le. Remtilo kan awm chuan 'remti lo' ti ula. Kan awm lo maw? Awle, "The Mizoram Board of School Education (Amendment) Bill, 2011" chu House-in lungruat takin a pass ta a ni. (Pu Lalsawta : Pu Speaker, ka lawm e)

Hei, ni hnih chhung session kan nei a, kan Minister zahawmtak Pu Hiato hi taksa chaklohna avangin a awmlo tluan a, tun tum phei chu paper lay turte a neih tam tum a ni a. Chuti chungin kan Chief Minister te, kan Home Minister ten an rawn lay sak a, amaherawhchu, a inang vek tho a. Kan Chief Minister phei chu keimah chauh pawn ka solo thei ti se, solo thei dinhmuna ding kha a ni hrim hrim a, Minister-te an hleh ve a ni mai a.

Tichuan, kan Session ni hnih kan hman pawh tluang takin kan lo zo ta a. Mizoram Legislative Assembly 6-na, Session wawi 9- na chu nimin leh vawiin, December ni 13 leh ni 14 a neih chu kan lo zo leh dawn ta mai a. Tun tum ni hnih kan session-a kan hna thawh tlangpui chu hetiang a ni :-

ZAWHNA LEH CHHANNA

Starred Question

a)	Zawhna lut zat	-	51
b)	Zawhna admit zat	-	29
c)	Zawhna reject zat	-	22
d)	List of Business-a dah zat	-	28
e)	House-a chhan zat	-	7
f)	House-a chhan hman loh	-	21

Unstarred Question

a)	Zawhna lut zat	-	1
b)	Starred Question atanga leh zat	-	1
	Total	-	2

Zawhna reject a tam hle mai a, hetah hian Member-te a hun takah in zawhnate theh lut tur leh a concern department-te pawh fimkhur tak leh dik taka rawn ziak thin turin ka ngen duh che u a ni. Clear day ni 15 Session hma a la awmin tih a ni a, khami kha ni 15 hma a clear day ni lova rawn tih luh te kha reject kha a awm nual a ni. Tin, kan hon'ble member-te hei chen hon'ble member in ni tawh a, zawhna chhannaah session period fill up tel tur te, Minister portfolio changtu tih fill up tel tur te, starred-in nge in zawh unstarred-in tih te pawh thai turte khatiang ti lote kha kan la awm tlat thin a. Chuvang chuan khang kha kan dan atang khan reject a tul ta tlat thin a ni.

Pu LALDUHOMA : Form-ah hian min chhan ni tur kan fill up a ngai a, mahse, keimahniin thu kan nei der si lova, 'to reply on any day' (interruption) khang te pawh kha a form kha a dik chhiah lo a ni a.

S P E A K E R : Bussiness a dah zat – 28, House a chhan zat – 7, House-a chhan hmanloh – 21, unstarred question hi zawhna lut zat 1 a ni a, starred question atana

rawn zawh ni mahse unstarred-a leh kha pakhat a awm a ni. Chu chu zawhna leh khami chhanna chungchang a ni a.

OBITUARY

Tin, Obituary Pu C.Pahlira Ex-MLA, 30th July, 2011-a boral ta leh Pu F.Lalramliana Ex-MLA 3rd Nov, 2011-a boral ta te sunna hun chu he House-ah 13th Dec, 2011 ah kan hmang a.

LAYING OF PAPERS

- Heng a hnuaia mi te hi Session kan neih chhungin House Table-ah lay a ni :-
- (i) The Mizoram State Agriculture produce marketing (Development and Regulation) Rules 2010.
 - (ii) The Mizoram Municipalities (Election to Local Councils) Rule, 2011.
 - (iii) 14th Annual Report of Mizoram Food and Allied Industries Corporation Limited (1.4.2003 - 31.3.2004).
 - (iv) 15th Annual Report of Mizoram Food and Allied Industries Corporations Limited (1.4.2004 - 31.3.2005).
 - (v) 16th Annual Report of Mizoram Food and Allied Industries Corporations Limited (1.4.2005 - 31.3.2006).
 - (vi) 17th Annual Report of Mizoram Food and Allied Industries Corporations Limited (1.4.2006 - 31.3.2007).
 - (vii) 18th Annual Report of Mizoram Food and Allied Industries Corporations Limited (1.4.2007 - 31.3.2008).
 - (viii) 19th Annual Report of Mizoram Food and Allied Industries Corporations Limited (1.4.2008 - 31.3.2009).
 - (ix) 20th Annual Report of Mizoram Food and Allied Industries Corporations Limited (1.4.2009 - 31.3.2010). MIFCO hian Annual Report hi an ti lo rei fu a ni.
 - (x) “The Mizoram Water Supplies (Control) (Amendment) Rules 2011”.
 - (xi) Annual Report 2010–2011 of Joint Electricity Regulatory Commission for Mizoram & Manipur.
 - (xii) The Institute of Chartered Financial Analysts of Indian University Mizoram Rules, 2007.
 - (xiii) The Mizoram Registration of contractors (Under Public Health Engineering Department) Rules, 2011.

Tichuan, House Table-ah Rules leh Report 13 lay a ni.

Tin, Presentation of Reports chu – i) Speaker : Business Advisory Committee Report ii) Pu C. Ramhluna : 15th, 16th, 17th Report of Public Accounts Committee iii) Pu T.T.Zothansanga : 3rd Report of Committee on Subordinate Legislation iv) Pu K.Lianzuala : 1st & 2nd Report of Subject Committee – IV v) Pu K.Lalrinthanga: 3rd Report of Subject Committee – V te an pe a. Tin, 3rd Report of Subject Committee – V ah khan Subject Committee ngaihda kha Chairman khan a rawn sawi a. Hei hi kan sorkar lamin rawn ngai pawimawh turah kan ngai a. Tin, kan House Leader pawhin hemi Report lam

umzuina lam pawh ni lovin sorkar lam atanga hma an lo lak leh an lak tum dante pawh kha a sawi deuh fo a ni.

Tin, Official Resolution pakhat “Transplantation of Human Organs Act, 1994” kha House ah putluh niin House in lungruual takin a adopt a ni.

Tin, dan siam lam Legislative Business Bill 4 kan ngaihtuah a, kan pass vek a. Chungte chu :

1. “The Mizoram Street Vendors (Production of Livelihood and Regulation of Street Vending) Bill, 2011’
2. “The Lushai Hills District (Village Councils) (Amendment) Bill, 2011”
3. “The Mizoram Police Bill, 2011”
4. “The Mizoram Board of School Education (Amendment) Bill, 2011”

Awle, tun Session chhunga kan tih turte tuang takin kan lo zo leh ta a, Pathian kaihhruaina azarah kum 2011 Krismas te pawh kan lo hnaih leh ta a. Member zawng zawngte leh Zoram mipui zawng zawngte he House kaltlang hian Krismas leh Kum thar chibai ka buk che u a. Dam tak leh hlim taka he hun hmang turin duhsakna ka hlan che u a ni. Tin, kan Member zahawmtak te kha zaninah khan Speaker Bungalow-ah chaw ei vek tur a ni a, nupui te pawhrawn hruai tur a ni a. A remchang lo pawhin midang emaw pawh kha in rawn hruai remchan zawk chuan pawm vek tho a ni. Tin, Krismas hlate kan sa ho dal dal ang chu ka tia, khuangte pawh ka zuk lei thar a. Tin, Bawngkawn Bial Zaipawl kan sawm bawk a. Chungte nen chuan kan Chief Minister hoin kan lam laih laih ang chu kan ti a ni. In nupui te nen lo kal theuh ula, card kha chu in hmu hlawmin ka ring a. Tichuan, zanriah eikham hnuah pawh tlaivar thlenga zai leh lam kan duh pawhin a leng vek a ni tih te pawh kha hriat a thain ka hria a. Chuvangin, lokal hram theuh turin ka han sawm nawn leh che u a ni. Tichuan, kan Session chu kan lo zo ta a.

Sitting adjourn sine die 3:40 PM.